

四庫全書

集部

欽定四庫全書

集部

御製詩五集卷四十三

欽定四庫全書

御製詩五集卷四十三

古今體二十七首 乙酉一

乙酉元旦

喜爆聲中昕曙暉太和元會聚冠衣東瀛北漠聯西旅

三百八旬始萬幾今年閏五月得三百八十四日聚成數也所幸一身七葉

見示上事皇祖下係詎惟今鮮古來稀何修遇弗

忍言矣並慎並欽

吳貺魏

元旦試筆

農諺申過酉入初乞漿得酒祝休徵論旬負辰七將八  
數<sup>上聲</sup>世弄孫元繼曾慢惜歲增為歲減且欣年減是年  
增處尊莅久滋深畏消息理昭切業兢

四始開晨法太微勅幾方寸凜惟幾亮功凝績理紀協  
九寓萬邦留熟祈戒老已忘戒彼壯用寬自勝用其威  
厯千以六逮乎丙歸政吾將泯是非

詠玉石子竹如意

玉為芝朶竹為柄石子尤稱品最良恰似端溪宋時硯

內府有端溪天然石子硯是以石子為硯不自今始也

指揮雅可佐文房

陸治歲朝圖

寓意吉言圖歲朝

百合柿子如意寓百事如意也

椿梅點綴報春韶

三元雅稱為清供勝綵金珠遜覺遙

命加賑湖北去年被水州縣詩以誌事

去歲江陵等州縣夏秋被水胥成災荊州決堤毀城郭

軍民昏墊誠堪哀重臣特遣亟賑救弗拘例莫惜帑財

其餘被潦有等次十分以至五分纔例賑自當別輕重

新正應佈恩膏培亦視其差命加賑或平糶或借種上聲

陪

上年湖北江陵等州縣夏秋被水成災卽經降旨撫賑分別蠲緩帶徵小民自可不致失所弟念今春正

賑已畢青黃不接之時民食不無拮据因再加恩將江陵縣成災八九十分軍民不分極次及監利縣成災八

分極貧軍民於正賑之外再加賑兩個月其公安漢川黃梅三縣成災八分極貧軍民並各加賑一個月至各

縣成災七分極次貧八分次貧暨成災六七分之石首漢陽沔陽黃岡廣濟長陽六州縣成災五六分之潛江

縣極次貧各軍民並成災五分及勘不成災各屬仍令該督撫察看情形或酌借籽種口糧或減價平糶分別

酌辦以副軫念窮地潤宿麥幸廣種去聲督臣畢沅於上年十一月內

奏稱查工之便見荊州一帶所種宿麥於上年十一月內青黃接翼元氣

迥申命司民大小吏體予殷意其勤哉

### 題漢玉帶版六韻

相平聲帶峯山質琢而更藉鐫何時出土上誰氏佩身邊

比德剛柔協論材環珮連几陳資睇玩匣衍引吟詮昔

有餘堪憶今無用弃捐莫教成有用惕以萬斯年漢衣冠乃

用玉帶向著本朝禮罷圖式序謂衣冠為一代昭度諄諄於我朝之舊制不可改易且舉北魏遼金及有元之

改漢衣冠者為後人鑒戒我子孫能不感於流言則此玉帶祇堪弄為玩賞之具而必不為有用之物於以綿國家億萬斯年之緒可不惕乎

### 降旨加賑江西上年被水州縣詩以誌事

昨年甲子值元旦農諺稔秋果符矣九州之廣艱遍及被災者鮮斯幸耳湖南安徽及淮徐各撫胥奏大田美

偏災已賑無須加

上年湖南安徽及江蘇之淮安徐州二府夏秋之間亦有因瀕臨江湖被

水淹浸處所嗣據各該撫奏報通省秋收分數湖南則有九分安徽則七分有餘江蘇則九分有餘裁長補短俱屬豐收至其偶被偏災州縣傳旨詢問亦據湖北已覆奏業經賑恤不至失所新正均可毋庸加賑



降加賑旨江西則有十四縣仍當加賑蘇委靡九分十

分有等差一月兩月殊彼此

江西上年南昌饒州九江等府屬秋禾被淹成災節

經降旨令該撫實力賑撫惟是鄱陽餘干德興星子都昌德化德安瑞昌湖口彭澤十縣中被災九分十分之極次貧民及南昌新建進賢建昌四縣中被災八分之極貧今春正賑已畢際茲青黃不接生計尚艱深堪軫念因再加恩諭令分別等差加賑兩月或一月以資接濟其被災五六七分及勘不成災地方並飭令察勘情形酌借口糧籽種俾災黎均沾愷澤不致向隅

僻壤莫遺俾向隅庶幾普濟予

赤子

新正樂壽堂得句

偶同將謂惟南宋上海潘家却有之文敏歌堂重悲故

向祇知宋高宗有樂壽老人之稱屢引其事近披石渠寶笈舊藏董其昌自書詩詞冊內有樂壽堂歌命翰臣考訂則明嘉靖間上海潘思以南工部尚書歸老其子四川右布政使允端作豫園以奉其親顏堂曰樂壽故其昌詩有尚書綦履右轄風流之句是樂壽堂已有其二矣相如慕藺此何辭數上聲

欣屈指六年近

自今歲計至子丙辰歸政之年尚餘六載惟有朝夕乾惕日以孜孜願俟

吳蒼眷佑果符宿望為自古未有盛事不特潘氏僅屬私庭家慶亦豈宋高宗偏安偷惰早圖逸豫者可比乎

暇值來觀首祚熙符望否乎何敢必

天恩靜俟勉孜孜

倦勤齋

猶日孜孜勗惕乾名齋聊以待他年耄斯未逮稱勤倦  
敢與重華擬比肩

符望閣

落成層閣十年斯

閣在寧壽宮內於丙申年落成為歸政後游息之所冀沐天恩獲符

所望因以名之閣額頗有有所思侈望若符真是幸未臻那敢  
滿言之

養和精舍有會

發而中節謂之和必由中藉養多達道自資大本耳  
反身豈外正心麼試看芽紐蕾含始却勝媽紅姹紫羅  
方寸有為及無欲斯之未信敢言他

閱是樓口號

閱是之樓凡幾吟是為非對理應斟六年後乃是非外  
謂歸政後求是祛非今尚欽

金廷標瑤圃採芝圖

雪壓萬林巖松根棟劓者欲尋三秀草去煉九還丹資

內抑資外

所謂成仙應在內之心  
神豈在外之丹藥乎

有成必有完不須遠

取譬身已不勝寒

詠和闐玉丹臺春曉圖

層城豈必崑崙是迴閣延臺總琢珉却愛扶筇玩山水  
無須閉戶守庚申空教紫氣騰爐火不礙初陽伴曉春

可惜地行塵外客被他牟利者傳神

玉工爭為新樣並  
新益俗因一概作

置今乃改為國古  
仍其牟利之計耳

新正重華宮疊去歲二律韻

去歲東廂遲句成却緣遽馬誤馳旌

上年正月九日於紫光閣賜宴外藩

將陛座時忽傳紅旗報至及覽福康安奏乃稱擘獲林奕文父母家屬而紅旗實非自軍營來者於是重華宮朕句遂未即舉行有宴回卓午重華坐七字聊攄不快情之句幸逢月晦喜音至乃得

朔朝朕韻明

福康安却已於正月初四日在內山老衙崎地方將林奕文擘獲祇以遠隔重洋直

至晦日始接喜音維時正宮因即於二月朔日錫宴朕句如例

社祭還首祚青宮御音

福祿致齋惟肅屏

上聲絲笙

是日逢齋雖違官恭代亦例不奏樂

少過壯邁

皤然老弗改仍茲耽詠情

借問如何乃謂詩重華早訓志言之先憂後樂於斯寓

弄月吟風那更為臺嶠已安起耕作

臺灣因逆匪滋事民間耕種失時及

平定後撫臣徐嗣曾駐彼安輯據奏農民已各歸田里耕作如常

海邦重定免危疑

南安

之役既以該國世守藩封最為恭順而阮岳兄弟據城自立聲討尤不容已孫士毅率提督許世亨帶兵萬人兩旬之內克復黎城黎維祁亦即拜受冊印襲封國王失而復得危而復安中朝字小之義亦云至矣 一

催其進一止進

上年福康安於攻克大里杙之後未即直入內山擒拏逆首慮其與賊以暇致

令逃竄或遺孽未淨則臺郡終不能安枕是以催令邁進以冀速獲二逆昨歲新正重華宮亦有生擒賊首題方稱漫頌功成我不為之句至安南一事孫士毅克復黎城後隨即籌造船隻辦運軍糧為直搗巢穴之計予始亦以為果然如此為該國永除後患亦屬盡善之事既據孫永清奏黎城至廣南地方有二十餘程用兵萬

人即須運糧夫十餘萬勞費內地而為小邦計萬全於  
事體既屬非宜且小邦興廢亦有天命黎維祁庸

懦無能安知非

天命所在孰能達之因即降旨令其班師此固與臺

灣之為內地情形迥不視若不同同應時應時即  
相同然其應機則一也

應機也

### 新正香宸殿

香宸勝朝殿趺臺一併留北由本平地南俯却層樓翰

墨因心靜景光隨意投迴思讀書此六十閱春秋

雍正甲辰

皇考命予讀書於此  
不覺已閱六十餘年矣

### 藻韻樓有會



樓顏藻韻已多年去取之間常審旃李杜不傷為雅正  
溫韓終覺近纖妍

魚樂亭

通閨今年春立遲負當三候尚非時不須莊惠間爭論  
水底遊魚樂自知

題澄懷堂

書堂亦稱古

聖藻額澄懷復以初春至漸看韶意佳麥抽遮凍隴草

紐向陽階門外弄田近

堂前一水橫帶蔬圃列其左墻外倣漢耒田之制皇祖每

親臨勸課農桑於此予即位後亦踵行之以示勤民務本至意

皇考歲耕耒田先期演耕勤農

三世皆

千尺雪二首

對瀑吟詩多屬春愛他冬雪尚鋪銀  
寓名雖幻原非幻  
即景披真喜是真

謂幻非真豈至語曰真即幻亦虛言  
窓前落落皚皚者  
笑我依然者箇存

紫光閣賜宴外藩作

紫光曉日射觚棱嘉宴屏藩例事仍縱目宜農積冬雪

殷心保泰凜春冰漠陟新部胥儀熟

土爾扈特都爾伯特各部雖皆新附

然已屢值年班拜跪俱能如儀

臺嶠生番許惠承

臺灣屋鰲阿里山大武壠傀儡山四社生

番頭目三十餘人上年隨福康安協力勦賊甚為出力茲願赴京瞻覲是日併予入宴以嘉其向化之誠

德

薄慚蒙

天貺屢兩番戰勝又圖增

上年一歲之中臺灣安南兩歲大功俱令於閣中補繪戰

圖用昭

吳貺

重華宮茶宴用戡定安南封黎維祁為國王功成

聯句是日復得二律一韻

東廂茶宴首春開翰墨因緣至理該竹品絲彈答韶令

甌香研淨引清陪賢臣畫策憶勞耳

初聞安南阮岳阮惠佔據黎城之信

即命孫士毅察看情形妥為經理節據陳奏檄諭該國未經被擾地方共圖恢復及該督親統大兵長驅深入

一切籌畫俱合機宜兩旬之內果即克復黎城復封嗣孫黎維祁為國王庸功迅奏大義炳昭鞏歲聯吟宣揚

盛事實亦敬誌

天庥用深感幸

功績賡歌荷幸哉仍六度斯合歸政祈

天眷佑待哉培

閉關何似此關開除逆扶危道所該

光武閉關不納祇知自守而不計小

國之仰大國何以昭字小之道安南臣服本朝已歷數世偶有禍變理應覆庇而誅叛討逆伐罪除殘王法所不宥且其母妻匍匐叩關請命不容不救蓋大義攸關事非得已也典數南交叶平秩事

徵明史八吟陪命朝玉闕竟未至

安南之不肯入朝自元時已然及明宣德

年命黎利權署安南國事嘉靖年莫登庸黎維潭二人雖受朝命封爵竟不親赴關廷遂有代身金人之事

代以金人更小我

明自黎利貢代身金人莫登庸嗣亦貢代身金人作囚首面縛俯伏於地

之形黎維潭自以國王世孫貢代身金人作肅容拱立形其不恭朝命情狀已覺可笑而明且委靡調停兼貪其利宜遠人輕視朝廷無復畏忌若茲安南嗣孫黎維祁感恩懷德自請於八旬萬壽入覲其恭順之忱為何

如申諭嗣王強自立

黎維祁被逼出奔展轉逃避毋妻不能自託侍從不過數人其平昔

毫無振作已可槩見迨大兵入境黎維祁又不能整頓師旅自圖恢復至孫士毅克復黎城後黎維祁於夜間方敢回國似此柔懦無能何以自立而內地大臣豈有久駐其地代為鎮守之理因命孫士毅申諭該嗣王當須自強政治以無負興繼之德矧兵戈亂餘元氣要深之後尤當撫綏其民以自培元氣耳

培

戡定安南復封黎維祁為國王功成聯句

有序

君臣之誼無所逃人倫立極仁義之師有不戰

天祐成功海隅既奠厥家邦冊府宜形為雅頌原夫帝

典明都之宅王制交趾之民縣置朱戴

漢交趾郡所屬縣

炎微通凡泥之域波分白鶴

白鶴江在三帶州

南溟盪帶

水之流自漢晉隋唐咸屬於羈縻嗣丁

部黎桓

公陳日

遡沿於攘歛宋每因而獎亂元屢召而不

朝輔

張晟沐

之露布三傳貪幅員而終棄黎

潭莫

登庸之金身兩納殖貨利而不揚懿我朝定鼎之初

底下國受球之貢

訓以守邦之忠孝

皇祖賜黎維正扁曰忠孝守邦

嘉為龔上之屏藩

百卅年來享來王十三道我人我土何際祖孫之

傳韻迺生陪隸之內訌始聞遺篆之遷俄報故關

之顓黎方去國路失泥中阮已無家

黎維祁之母阮氏妻阮氏

塗窮河上啓畫吏晉章之告悉瀛邦否運之由蠻

鬥觸而蝸傷釁因奪政

鄭棟

蠻負蛩而駢走

阮岳阮惠

輒稱兵留肘腋以代防

阮整

繼腹心之中潰兩割邊

郡再圯國都截路稅人望門漁女赤地千里比歲

游以不登蒼天九重彼民控其無所寧忍聽其塗



炭妄敢干爾倫常是用軫此憚人索予置之樂土

重齎糧而歸報嚴騰檄以指迷所守非親人化為

豺狼革邪心於兩郡

諒山高平

無禮於君者逐如鳥雀

鼓暮氣於七州

文淵脫朗七泉溫州文蘭祿平安博

斥僭貢於闕門

訪孱王於硎戶毋稱監國致它時兄弟之相尤況

未覆宗尚來者幼孤之可立發勁兵於粵土出偏

旅於滇中賦廩以集礦丁錫綬而招募客

林際清

闕

連坡壘

出鎮南關十里為安南坡壘關

戈戟星馳路越廣源

諒山郡故

廣源 簞壺雲迓人知助信鑄銀印以先頒地或相

持效木罌之間渡謹 黎愚惠阮 詐緩師燭偽奏之

謀

阮惠詐為該國臣民之奏請立黎維謹以冀緩師

礮巨船多懈氣知虛

聲之謫

安南送回遭風把總許昌義稱阮惠誇示舟礮之雄詭謀懈我士氣

每先幾

而豫或不約而同殲南柵之沙蟲

市球江一名南柵江

頭駢

黥虜

陳名炳

驚富良

江名

之風鶴指掬舟師浮直可以

銜刀渡不須於用檣笏徒破竹

交趾外城為笏竹城見范成大桂海

虞衡志云是唐都護王式所植孫士毅奏克恭城摺稱城僅高四尺上猶種竹也

江果來

蘇來蘇江在黎城東北本名蘇歷江明時改今名埋根達百里之郭入壘

聽五更之漏羈人乍返隨宗族以迎軍故國重開  
具禮儀而受冊感中銜而莫報請句臚親主客之  
司俟內顧以無憂許班位在郡王之上特酬勲以  
五等寵冠桓圭偏行賞於六甄賚周袍服披圖眼  
底迅成楊僕樓船掃穴掌中直過馬援銅柱南阮  
別巢於北阮倚如連繫於榮如即看梟獍之倫旋  
築鯨鯢之觀飛捷書之送喜先於三十日陽春佇

全境之就平作我萬千年典屬越稽簡紀其待藩  
侯周威烈初命已非唐方鎮唯彊是予呼韓邪尚  
思報漢僅保塞以相依高句驪空自求明乃和倭  
而却返威原不足托絕意於閉關力或有餘則侈  
心於廣土予受

天全付馭世久成垂萬古之正經申三綱之大義矧繫  
恭順恒厯惠綏屬偶值於阡危豈獨遺於覆冒日  
之所照何分比景

漢日南郡所屬  
縣即比景也

以南化本大同

不閔居風

漢九真郡所屬縣其地今在清華府

之外亂臣賊子之知

懼魯史義存興滅繼絕所以懷中庸道立不利尺  
地仍我外臣因茲決策於初幸臻歲功之善顧春  
奏臺灣之大凱秋朝緬甸之來歸一歲凡三七旬  
有九被

眷

貽之特厚統中外以胥蒙矢謙撓乾惕之增虔敢豫大  
豐亨之萌志咨爾賡歌就列莫遠徵越裳氏獻雉

之區體予寅亮代功惟邇繹召康公旅葵之旨

御承製

天庥命御紘埏西北開疆晏卅年

自庚辰西師凱旋之後新疆西北兩路拓

地二萬餘里命大臣分駐其地設立屯田歲獲豐稔以繅易馬值減數多厄魯特及回部無不安居樂業同我

太平每歲年班更番入覲與蒙古諸藩一體宴賚迄今已三十餘年

何事內訌聞海國

安南

國陪臣鄭氏世執國柄漸成跋扈阮姓以伐鄭為名侵擾國都是為安南內訌之始尋至阮姓佔據黎城故王

嗣孫黎維祁出走其亂遂熾

特申大義薄雲天

安南雖要荒小國而君臣名分攸關且黎氏服屬中朝龍封傳世百數

十年最為恭順今土酋作亂嗣孫播越皇上  
特申大義聲罪致討為之恢復疆土重建家邦

仁育義正自古所未  
有真與覆燠同功矣  
南訛攸宅神堯典堯典宅  
南交蔡

沈書傳南交南方交趾之地黃度曰漢初置交趾  
郡後置交州杜佑通典曰復禹舊號是則本名交

後世增益之也  
地理今釋云南交今安南國  
聖祖交趾曰蠻小戴篇禮記

王制南方曰蠻雕題交趾鄭康成注云足相鄉然  
孔穎達疏言蠻臥時頭嚮外足在內而相交故云

交趾杜佑通典則曰交趾之名以南方蠻夷之  
人其足大趾開廣若並足而立其趾則交故名  
術

幻文郎繩結約  
越史畧周莊王時嘉寧部有異人  
能以幻術服諸部落自稱雄王都

於文郎號文郎國結繩為政傳十八世皆稱雄王  
周末為蜀王子泮所逐而代之自號曰安陽王按

今安南尚有文謀深質子弩驪弦秦始皇初并百粵其地為象郡

郎州臣阿桂

後趙佗據南海時安陽王有神人曰皋魯能造柳弩一張十發教軍萬人佗乃遣其子始為質通好

後王遇皋魯稍薄皋魯去王女媚珠又與始私始誘媚珠求者神弩因毀其機馳使報佗佗復興兵

攻之軍至王又如初弩折衆皆潰散遂破之王九衛生犀入水水為之開國遂屬趙亦見越史畧

區領郡田耕駱

漢武帝既平南粵置儋耳珠崖南海蒼梧九真鬱林日南合浦交趾

等九郡今安南國地即其時交趾日南九真三郡也又南越志交趾之地最為膏腴舊有君長曰駱王其佐曰駱侯其田曰駱田民墾食之曰駱民又交州志駱王駱侯主諸郡縣又有駱將蓋沿古駱越之二女興戎浪跼鶯漢光武建武十六年交趾稱也

稱也

越之二女興戎浪跼鶯

漢光武建武十六年交趾女子徵側徵貳反徵側者



麓泠縣駱將之女嫁為朱鳶人詩索妻甚雄勇交趾太守蘇定以法繩之遂與妹反時拜援為伏波將軍征之十八年軍至浪泊上與賊戰破之賊遂散走明年正月斬徵側徵貳封援為新息侯援自言當吾在浪泊西里間虜未滅時下潦上霧毒氣重薰仰視飛鳶跼跼墮水中云云按浪泊在今安南東關縣西

唐至德煩都護鎮

自馬援討平交趾後置交州領七郡

二國吳分立廣州徙交州治龍編縣即今黎城也宋齊仍舊梁陳於交州置都督府隋初郡廢改為總管府唐初仍曰交州調露初改安南都護府至德初改鎮南都護府

梁開平

肇土豪專

後梁開平元年以曲顥為靜海軍節度使後顥弟全美代之繼以阮進楊廷藝

楊紹洪橋公美吳權楊主將吳昌岌吳昌文諸人蓋五代時隔絕中國自曲顥以下皆土人竊據其地

使君瓜剖豆分夥

越史畧矯公捍據峯州阮寬據阮家陳日慶據唐林杜景碩據

杜洞阮昌識據王槁阮珪據起類阮守捷據仙遊呂獍據細江阮超據扶列橋順據泗湖范白虎據

終三年辛併於丁氏其時在周顯德中部領括囊

卷席全

宋史外國傳管內十二州大亂部民嘯聚共起為寇盜攻交州先是楊廷藝以牙將

丁公著攝驪州刺史兼黎蕃都督公著死其子部領繼之後部領與其子建率兵擊敗賊黨境內安堵交民德之乃推部領為交州帥閱宋三封徒骹

號曰大勝王署其子建為節度使

骹

宋開寶三年封丁部領為交趾郡王此封王之始傳其子建及璿大將黎桓擅權漸不可制自

稱權交州三使留後屢假璿名上表詔令桓遣送璿母子及其親屬盡室入朝時桓已專據其土不

聽命至端拱元年加桓檢校太尉食邑千戶四年  
進封為交趾郡王真宗即位進封桓為南平王其  
子至忠苛虐國人不服大校李公蘊逐至忠自稱  
留後大中祥符三年遣使入貢因封公蘊為交趾  
郡王加同平章事天禧元年進封南平王淳熙元  
年進封李天祚為安南國王此立國之始丁氏黎  
氏李氏三姓皆因請予封崇獎亂臣固由  
國勢不振實本大義不明也 臣和珅 雖元再伐

竟迴遭

安南後為李氏壻陳日熨所有傳其子光  
昌元世祖時封為安南大國王并諭令親

身入朝光昌不從其子日烜立復諭以來朝若果  
不能自覲則積金以代其身而珠以代其目副以  
賢士方技子弟工匠各二以代其土民不熟修爾  
城池以待我軍卒不從飾詞懇免二十二年因命  
鎮南王托歡統軍擊之日烜遁走二十四年復詔  
托歡率兵三道水陸並進深入其境日烜棄城走

於海師  
旋復出

忽收忽棄如棋置

明洪武初安南王陳日  
燧來貢因即封之日燧

卒國內亂其大臣黎李聲纂立傳其子奎永樂元年奉表朝貢言陳氏已絕奎以甥紹祚遂封為王已而老撾國送日燧之弟天平至言黎氏篡奪本末詔責之奎遣使入謝且請迎天平歸奉為王乃勅天平歸國命副將黃中等將兵送之而改封奎為順化郡公天平入難林闕奎伐兵進殺之中等敗還因命新城侯張輔西平侯沐晟等率師分道並進討平之改安南國為交趾布政司設十五府轄三十六州一百八十一縣又設五州直隸布政司轄二十九縣然蠻人自以非類互相驚恐數年之後簡定陳李擴再叛至宣德二年黎利作亂明不能守盡撤軍民北還全棄其地利遂進貢求封正統元年封旋莫旋潭以賄遷

明正德間安南國  
社堂燒香官陳嵩

為安南國王

作亂篡立都力士莫登庸起兵討之立黎灝之子  
德以登庸有功封為伯爵既握兵柄逼納德母潛  
謀弑德德適居清華事聞明興兵討之踰年師不  
出登庸進代身金人遂封為都統德後人維澤舉  
兵敗登庸孫茂洽奪其都統印亦進代身金  
人明封為王令莫氏居高平為都統兩存之  
**身篡**

**國誅人竊國**

永樂征安南其事近正然身假周公  
輔成王其何以服李薺之心哉  
臣

王  
杰

**御懼西邊覬嚇南邊**

嘉靖時任仇鸞為大將軍與西套  
蒙古角不能一戰及莫登庸之事

復以鸞統師但於關內虛張聲勢未嘗有一卒一旅之  
出坐待登庸來進代身金人遂爾罷師蓋本無捷伐之  
志徒為恫喝之謀故以鸞  
之非材亦得登壇授鉞耳  
**貂璫激變政誠紊**  
明永樂中  
既設交趾

布政司李彬代張輔鎮之中官馬騏為監軍騏墨而殘交人苦之三年間叛者四五起而黎利為最劇文

武選懷威不宣

明於安南二役前以柳升陳智馬瑛方政不能力戰敗事交趾全省遂致淪棄

迨後嘉靖時毛伯溫張瓚潘珍張經余光汪文盛皆以本兵及督撫巡按彼此議論不同時將兩載迄無定計蓋由明之君太阿倒持故其臣亦選懷成習不能振作也

統定中華撫黎氏

安南於明李入貢使人留閩未還大兵平閩執送京師順治四年給

勅遣還本國招諭今繳故明詰印齋送來京照舊封錫

心歸外服拒吳滇

吳三桂於雲南謀逆時數年阻安南入貢之路多方脅誘黎維

正不敢從逆具以表聞安南恭順有常此為恪守臣節之驗

聞風早送軍門款

順治十六年經畧大學士洪承疇奏安南國遣目吏玉川伯鄧福綏朝陽伯阮光華齎啓赴信郡王軍前摠  
**向日恭呈故綬捐**  
康熙五年黎維禧繳送誠納款  
桂王由榔勅命一道金

印一顆

封維禧為安南國王

**厚往增金復加幣**

順治十八

年加賞安南銀五百兩大蟒段二粧段二綵段表裏各十二康熙二十五年增賜表裏二十為五十

乾隆四十三年奉

諭於正賞外加賞蟒段  
倭段粧段錦段各一閃段二表段二  
臣劉墉

**來物減并期連**

康熙二年黎維禧入貢禮部以貢物不符合會典請後飭遵得

旨外國慕化八貢所進之物著即收納不必定遵會典乾隆四十三年復有加貢間或短少與例不符者毋庸計較之  
諭又康熙七年安南疏請六年兩貢並進  
旨以道里悠遠三年六年

先後雖異敬恭  
則一如所詣行  
叛亡弗納

天真大

康熙十年安南國人阮福祿獲罪來投  
旨以理不應受還該國王自行處置

忠孝

如敦祚久延

康熙二十二年  
黎維正忠孝守邦扁雍正二年  
賜安南國王

賜黎維禔  
日南世祚扁

理斷守封園有蝶

康熙三十六年黎維正奏牛羊蝴蝶  
普園地為隣界土司侵占請清還

旨詢雲南巡撫知其地屬開化並非安  
南故地不准給與仍行文申飭  
臣董誥

仁施悔過廠分鉛

雍正三年雲南總督高其倬奏志載  
開化府文山縣南二百四十里至賭

呢河為安南界今自文山至馬白汛祇百二十里  
即至鉛廠山下小江亦百二十里此外尚八十里



雖失在前明但封疆所係應清勘立界得  
旨安南累世恭順寧與爭尺寸之地況明季久失  
之區其地果有利耶則天朝豈宜與小邦爭利如  
無利又何必與爭安彼民正以安我民耳嗣恭維  
綸兩疏陳辨諭以失從前恭順之義無從  
施懷遠之仁維綸隨惶恐感悔謝罪乃遣  
使勅諭王自悔執迷詞意虔恭既知盡禮即可加  
恩況此四十里在雲南為朕內地安南仍為朕  
外藩無所區別著將此**宥加誤殺陳詞切**乾隆九  
地仍賜該國王世守之  
番目黃福衛等戕邊界守兵奉旨番目戕殺  
內地兵丁律應斬決朕詳察案情實為誤殺且該  
國王即獻免犯毫無袒護足見恭順之誠黃福衛  
等從寬免死交該國王處治十六年安南兵目阮  
世魁誤殺土練亦以土目黃文棋禽獻恪守功  
令赦之兩次俱具表謝極陳感悚之悚  
**律**

治偷踰稟

命虔

乾隆二十一年安南械送在番滋事之廣東民李文光等十六人督臣奏安南僻處蠻陬同沾

聖化不敢擅誅送歸請示足徵懷服之忱請將文光等照交結外國論如律還械給資

周難舶

安南番船失風飄至永寧汛地方官撥兵守護給資送歸並收在船軍械於回時給

運

旨以收械貯庫為非命即還之臣德保

通津近境惠商厘

廣西

由隘距安南驅驢地方六十里向設閉禁乾隆九年開之又平而水口兩關通安南太原牧馬等處舊立鉄練橫江亦於達五達

賓來上塞臣真雁

乾隆

四十六年諭本年安南貢使到京著禮部堂官一人帶往熱河瞻觀後遣今回國七月使臣阮

維宏等觀於避暑山莊  
賜國王幣費使臣等有差  
喜聽

南巡孫見元

乾隆四十九年  
上南巡安南陪臣黃  
仲政黎有容阮仲璫等於江寧迎駕

駐蹕龍潭日  
京師喜報達行在  
皇元  
孫生諸臣額喜稱賀仲政等亦在列  
御製詩

有飛章報喜達行軒  
歡  
動中朝及外藩之句

說賜古稀俾共仰

屏翰  
賜安南國王黎維禡扁曰南交  
御寶并  
諭安南

國扁額所用古稀天子之寶非朕自誇恐該國王  
不知朕意故以古稀說今其閱者即知朕意也

臣紀  
昀

御製詩承朝澤望長綿

甲辰年八月安南貢使范阮達等  
在熱河祝壽預宴座間親為製詩

灑翰令該陪臣瞻仰捧歸賜王黎維禱詩末句云撫衆  
和隣綿奕葉長承朝澤萬十春蓋嘉彼篤心守禮望其  
帶礪永存孰意未及四年遂有維  
出奔眷屬流離亟求  
瑞孫維祁失國眷屬來投之事

救隘河匍匐

踰

水口關之東北隘外溪河一道距龍州  
百二十里上年五月十二日地方文武

巡哨至彼聞河外號呼甚亟見有夷官等帶領男婦老  
幼數十人向河北叩頭求救詢係安南國高平府督阮  
輝宿長派侯黎佃迪郡公黃孟曉因該國阮惠稱兵攻  
破國都嗣孫出奔避於山南下路因奉嗣孫之母妻眷  
屬逃避為彼追殺越壞  
投生情詞甚為迫切  
守土吏因收以入  
龍州通判陳  
松都司陳洪

順會同巡哨見安南嗣孫眷屬等被寇兵追殺無計可  
脫求救入隘正在盤詰間遙望隔河有百餘人追趕及  
見河北有內地兵勇不敢過河隨即退去當將該國眷  
屬夷官老幼六十二名收入隘內撥房棲止加以撫卹

據太平府知府陸有仁等轉稟重吏以聞

### 迷邦人始恚堪憐

孫士毅孫永清聞報先後馳至龍州斗奧隘面向該國鎮目阮

輝宿等手寫問條逐加詳詢據稱乾隆五十一年六月內西山土酋阮岳兄弟兩次兵犯黎京嗣孫出奔阮惠欲劫王眷為質以阻義兵因移避高平又遭刦殺保護眷口二百餘人登舟遠遁至博淦地方追兵日急逃至河邊阮兵約三四百人正在叩求救護而阮兵已至捨命奉王母妃世子各眷口涉水登岸其不及渡河者盡為所殺今奉王母之命情願待罪天朝不肯被彼辱沒等語據奏始悉該國眷屬被難原委上披覽深興初加惻惻傳諭該督撫等妥為安頓優加撫卹

### 依鄭長專柄

莫登庸篡黎後黎諛遁居清華至其孫維澤破莫復興全藉其臣鄭德之

力嗣是鄭氏世執國柄黎主僅亦守府然以天朝冊封之重不敢篡奪君臣相保者迄今數百

年志欲戡黎借奪權

廣南土酋阮岳於丙午歲六月搆難託以攻輔臣鄭氏為

名蓋志圖佔奪黎氏而先去其羽翼也

蛇蠱兩頭家小姓

阮岳該國又稱為阮

文岳阮惠又稱為阮文俾乃西山小姓非輔政阮氏一族

臣福長安

兇營三窟國

南偏

阮惠所據之順化城即明所設之順化府以轄順州化州者也其兄阮岳舊據廣南乃占

城國舊地後為安南蠶食者皆在該國西南瀕海

棟亡章失狼驅虎

安南世封

國印向為輔政鄭棟攘竊丙午夏阮岳兄弟攻破黎城鄭棟戰敗奔逃於路自盡國印遂至遺失棟

雖並君行事尚能勉守臣節阮之勝鄭何異逐虎而進狼也

整衛戈稱鵠搏鸛

據阮輝宿供稱阮岳外示扶黎內懷反側有供靖  
即貢整先隨阮岳攻駐黎城迨阮岳退去恐其泄  
計棄而不用嗣孫察其無貳委令帶兵討寇後阮  
岳偽將阮任領兵數萬復至整戰死等語而黎維  
謹率族人等又稟稱嗣孫維祁罷位陰誘阮惠之  
叛臣阮整以兵入衛整擅作威福維祁為所誘掖  
多行不義中外咸怨又與整謀議集兵搆難阮惠  
使其家將率兵入都討整之罪維祁為整所挾出  
奔整敗死維祁不知下落云云兩說互異然維謹  
愚癡所稟出於阮岳等偽為則整之捍衛黎氏以  
身殉節自屬可信其時阮岳等勢敵方

### 衍困臺城

索蜜水

丙午年阮岳等擁眾攻圍黎城國王黎維  
禱老疾不能堵禦府城失守維禱族即世

元瑞

臣彭

景婚主塔耀花鈿

阮惠既破走鄭棟故王  
黎維禱割又安之地許

為犒勞並以親女歸之

未成君越草莽舍

黎維禕薨逝長子早天維祁以嗣孫

例應繼位以失

去國印正在遣官齋表懇請補印

賜封未及遽

恩而黎城失守出奔山南由安

廣道前進探知所在有兵涉越溪嶺至海陽道良才縣春蘭社又移至下洪府四岐縣潛匿村民之

家十日五日另遣一處以防阮惠踪跡又潛赴京北道諒江府以避害

再燬都驚烽

燧烟

阮岳於丙午六月攻破黎城以官民赴援退去至次年十二月阮岳偽將阮任領兵再入

黎城又有土民卷簪即倦瓏與諒山藩目阮克陳構隙戰敗克陳而歸附阮任倚作聲勢肆行殘燬

於是宮室苑用蕩然無存孫士毅奏報克黎城時目擊情形如是

僭號紀元一壘

蛸

黎維祁書稱上年四月中阮惠佔據黎城僭稱天皇帝紀元泰德而蒲啓德所呈吳初致伊之



書稱阮惠為王上後署奉德十一年是阮惠潛布腹心窺伺黎城已非一日而維祁尚不自覺也

臣喀寧阿偽官留守百蛾塚據藩啓德稟稱阮惠見發

官吳初阮惠封以大司馬帶兵佔守黎城凡一切事務均歸吳初調度下漁富括空

倉穀阮惠佔據黎城兵食不給派取民間銀錢米粟以供餉餽甚至索取婦女軍政不戢民多

苦人稅苛徵過市錢夷民稱阮岳令民間入城者人各出錢二三十文謂之人

稅其窮蹙俟我  
可以想見

后羣嗟獨後  
臣胡李堂

御介于石但決幾先  
從古用兵之道貴于先  
樂決策易於豫之利建侯行師其爰辭曰介

于石不終日貞吉孔子繫辭闡其理子每於用兵常持此道具見向所作四知書屋記中

累朝奕世君臣分

安南自順治十七年黎維祺歸順至今百卅年維祺傳維祺維祺維祺維祺

正維禱維祐維禱維禱至今維絕繼滅興經史傳尺土祁凡七世十王君臣之分久定

寸疆非所利

孫士毅初奏安南內訌情形即有乘此機會勸平後收其土地之意予以黎氏久事

我朝竄為恭順且中國幅員廣遠前古所無安肯乘人之危利其疆土諭惟熟籌妥辦俾黎氏國祚弗失斯為

大公至正

固推予奪亦何辱

黎維祺祁致書孫士毅云固推予奪惟上所命士毅先得

旨正言書答東尼所云未喻大皇帝四海一家休戚相關之意天朝內地十七省新疆

二萬里安南最爾一隅得之不啻如太倉一粟安  
肯如前明見小收為郡縣維祁得書感激無地由  
其初不能仰窺  
覆  
載之心故有此語也  
移將內郡樂郊土  
鎮南關  
屬龍州

為安南切近孔道且時至五月蒸濕嵐瘴  
軫念羈遠撫卹安存今移該眷屬於南寧府城居  
上

住給汝帑金免粥饘  
奉  
旨黎維祁眷屬人等  
每日優加廩給俾得供用有

餘又於秋末  
賞給皮衣二十件及粗細綢  
布百三十餘疋該  
王母祇受恭謝感泣不止  
濤

泛烏雷催去權  
臣金  
陸循馬白贈歸鞭  
來投眷屬  
既安居南

寧隨從夷官情願留三人侍奉三人分作兩路回  
國傳信令嗣孫悉眷屬平善安心知感得奏

允行安南向有三道由廣西鎮南關出口者為正  
路即現在進兵之道一由廣東欽州泛海過烏雷

山至安南海東府乃唐以前經行之道一由雲南  
臨安府蒙自縣蓮花灘陸行至安南之洸江乃明  
沐晟出師之道今改從馬白一路更為直捷嗣孫  
之母詠令黎侗阮國棟取道廣東阮廷枚取道雲  
南 旨各賞銀百兩黎侗等

圖標藍粉非全陷

阮輝宿等稱安南向有五十二府內十二府乃土  
目蠻首所居實止四十府現在清華處四府十五  
縣宣光處三州一縣興化處十州二縣俱不肯降  
附又上路未降下路已降者安處四府十二縣山  
西處五府二十四縣京北處四府二十縣太原處  
八縣三州其上路已降下路未降者山南處九府  
三十六縣海陽處四府十九縣惟高平一府四州  
諒山一府七縣俱已降附至廣南順化二處本為  
阮岳所管早被佔據孫士毅因取全境舊圖令輝  
宿分別標識其已降者塗藍未降者塗粉附摺進

呈  
迎取契繻罔致讐

上諭孫士毅黎錕等分  
路出關尋見嗣孫後若能恢

復於迎春時即遣此次通信陪臣給以符驗庶不  
為土酋誑害固由聖心柔遐卹難益欽

審慮之  
檄愈頭風持義正

安南高平諒山等郡與  
內地接壤阮岳恐

天朝進討先誘今二處服從因  
知各該鎮目以阮岳等恃強侵奪凡黎氏舊臣理

應協心助勦何得甘心從彼現在已派大兵興師  
問罪該鎮目等倘能改邪歸正挈獲阮岳阮惠不

但轉禍為福必邀  
則自貽伊戚自必首就誅夷如此剴切諭知庶可

以斷阮衆咽喉而壯黎氏聲勢嗣經潘啓德稟稱  
阮惠等心懷畏懼遣人探信因見檄文十分戰慄

即招呼親信黨羽逃往富春地  
方將黎城讓出臣阿揚阿  
讀應涕雪復讐消

孫士毅於關外沿途地方懸掛檄文各處紛紛呈請願効前驅並據黎維祁書稱檄文到日開示大義祁及文武臣等捧讀再三不勝感泣仰見天德下顧卹孤繼絕之誠溢於言表國人聞之亦

悲憤激昂日僕

王師之至

祇傷袖殞臂偏弱

黎城既已殘破維祁次第郡

公維袖三弟瓏郡公維祇同逃避難維袖至宣光興化地方與夷目黃文桐拒守後宣光為彼攻破將維袖獲送黎城被害維祇由太原京北一路至波達厥阮惠暗遣刺客來戕得厥民救護身受多傷幸而猷弟理奴面縛駢牧馬土司開阮律閉阮未死猷弟理奴面縛駢牧馬土司開阮律閉阮

討剗切檄諭又因感念黎王舊德招集土勇將偽督同阮達猷偽該騎朱廷理並阮達猷之弟阮文爵朱廷理之僕朱文奏等四人縛送進關詢據阮達猷供稱曾中鄉舉補為知縣丙午年阮惠攻取

富春降順用為掌管文墨之事授牧馬鎮督同之  
職其弟文爵並未授官又朱廷理供稱平時學習  
刀筆考取中書曾為將吏小職丁末年隨阮整攻  
討山南為彼所獲因授牧馬該騎之職並詢悉嗣  
孫踪跡孫士毅即令陪臣阮輝宿寫信交阮文爵  
朱文奏二人前赴處東一路探訪嗣孫實在存亡  
確信先將阮文爵等二人回報再行酌辦

客去波

蓬羈且徙

黎維祇久居波蓬廠為廠民李宏旺從  
平孟陞送入內地孫士毅以維祇係嗣

孫之弟可以號召義兵以分其勢若留在內地於  
事無益現在土田州岑宜棟領兵從歸順州出口  
會同岑宜棟前赴牧馬等處糾約義勇以壯聲勢  
隨同岑宜棟前赴牧馬等處糾約義勇以壯聲勢  
李綬臣書投蘭社感而連先經遣從雲南出口探信  
之阮廷枚回至內地據稱

訪知嗣孫在春蘭社潛匿前往見面將卽次優卹

伊母

恩旨令其聞者並詳悲告以大兵不日

進勦為其復國緣由取有維祁回稟督臣懇代

奏謝

恩并帶回與其母家信其母亦喜泣膜

拜知感格外

承筐偽貢嚴詞斥

孫士毅於龍州接

恩施

稟阮岳達文淵州

夷目黃文球阮廷璉叩闕進貢即親抵鎮南闕登

門面斥以阮岳侵佔黎城正在奏請

大皇帝

調兵進勦不思悔罪自新迎還故主保全性命尚

敢漬懇納貢我

大皇帝行事萬世瞻仰豈肯

聽其恃強干分爾等曾為黎氏職官一旦反面事

仇為之叩額本應立斃正法念微末不足治可歸

諭阮岳禍福轉瞬惟其自取文球等伏地戰慄跟

踰而去

上嘉士毅曉事得體

特加賞賚

褫帶遺臣僻徑沿

安南文淵州夷目阮廷沛攜帶該州印信挈眷屬等八人越嶺



至隘口求見國母詢知為黎維禡所授文淵州目  
今阮惠遣黃文球來居此任廷沛失職無歸故越  
境而來按其情詞自非全出於懷舊之誠然歸路  
已絕亦可保其毫無詐偽若度之使去祇為廷沛  
一人分別誠偽而交人聞之以為既已撤降復拒  
而不納適以阻其面內之心於全局未為盡善且  
廷沛既不能拒文球足知毫無能為即留之內地  
不過多一夷人曾何足為輕重因准令進見隨嗣  
孫之母

### 大賭呪河整伍會

孫士毅與許世亨籌辦進  
兵事宜必須大集兵力則

阮惠聞之心膽愈虛易於成功先經節次分駐各  
關隘廣西兵已有四千名再添調一千名令總兵  
尚維昇帶領並檄調廣東兵五千名令總兵張朝  
龍李化龍帶領共一萬名足資驅策出關後以八  
千名直搗黎城分路搜捕首惡二千駐劄諒山以  
為聲援其鎮南平等關隘另於廣西附近各營

抽調分布以壯軍威並有土田州岑宜棟安南保樂州土官農福縉各帶土兵二三千名情願隨營投用其雲南烏大經帶兵五千名取道馬白協勦所有官兵口糧及賞給廩民諒山等處銀兩米石多為豫備源源接濟並令孫永清駐劄邊境詳安料理迅藏大功按大賭呪河為內地與安南分境

處  
達椿  
臣

御製小陽春月出師便

孫士毅奏十月來天氣晴霽道路漸乾一切夫糧督辦無誤惟續調

之粵東官兵五十名須至十一月間始能到齊若至彼時進剿未免太遲因會同許世亨督率將備帶領粵西

兵丁於十月二十八日卯時祭旗開關按隊啟行臺灣其張朝龍李化龍所帶粵東兵亦陸續到營前進

勝將圖功速

南澳鎮總兵張朝龍左翼鎮總兵李化龍二人均係上年隨同福康安平定臺灣成

功後擢用並賞已國魯名號圖形紫光閣者自滇省督能倍加奮勇更為得力因派令二人前往帶兵

臣卻請堅

先是諭雲南提督烏大經帶兵出口協勦而總督富綱屢行自請前往因思軍營事權必

須專一庶衆人知所稟受共加奮勉不致有觀望之慮富綱係滿洲職分又與孫士毅相等斷無隨同孫士毅

辦理之道亦無一營兩帥之理因再四申論此事專責成孫士毅一人調度因富綱先已出關遂即令在都竟

地方駐劄  
接應糧餉

土著不妨資熟徑

上年七月內安南諒山處世襲藩臣守隘阮廷建文

洲州阮廷旺阮廷裁脫朗州阮廷興鼎阮廷容七泉州阮廷昂阮廷佃溫州阮廷造阮廷玟文蘭州何國惡農公

好祿平州韋福權黃廷璟安博州韋福瑤韋福本及七州人民等連名具呈情願統率七州義勇効力前驅並

繪地圖呈獻蓋安南夷衆多有先經脅附後見天朝檄文聲威壯盛知阮惠等勢孤斷難成事故去逆効順願

為前驅以為將來免罪之地伊等均係土著熟悉道路驅策尤為得力因准其從軍進剿所謂因其眾而用之也

廠丁藉此啟前旃

夷目阮輝宿等告稱安南送星福山等廠距闕祇數十百里不

等廠民强悍人數眾多若招徠協勦竄為得力孫士毅因密令道員陸有仁知府林虎榜暗遣土人前往知會旋據送星廠頭人張天厚等遣廠民江朝英陳忠越嶺進隘面見孫士毅稟請領隨

天兵征勦孫士毅諭以現在須俟水陸大兵數十萬到齊方許一同進發尚需時日爾等若能起此知會各廠齊心先行攻殺迎復嗣孫則不但為安南仗義並為天朝出力將來必倍有恩賚

因書檄數紙令其帶往傳示

萬鍾散粟軍宿飽

江朝英等稟稱傳檄諭知眾頭

人等自必踴躍但安南連年荒旱米糧昂貴今  
民數萬人前去攻剽需糧甚多若搶奪地方米糧  
又恐轉堅夷民脅附之心相助抗拒等語因諭以  
即行奏請發米三四萬石存貯闕內陸續應付以  
資口  
**十載淘沙稅預竭**  
又諭朝英等若果能出力  
成功即當奏請  
大皇

帝勅令黎王寬免爾等十年厥稅並懇  
頭人頂帶俾爾等生計並饒且得有官職更為體  
面朝英等聞言倍  
**啟德誠降司鄉導**  
潘啓德者向  
加欣喜叩頭而去  
仕安南諒山

鎮目其初亦為阮惠心腹後接奉發去檄文即去  
邪歸正具稟覆稱願糾督本鎮兵甲力圖克復並  
請發給憑信以便集兵迎請嗣孫歸國察其情詞  
真摯似非虛飾因即  
允行後又不從吳初誘

赫終始從軍鄉導出力尤為夷  
目之能革心者  
臣鄒英孝  
**際清團眾**

欽定四庫全書

卷四十三

予流銓

一厥民等聞信無不爭先効用但恐其散漫必得一統領之人居中調度方有所秉受畧知紀律

不致為彼所乘孫士毅因面諭阮輝宿黃益曉畏蒞太甚涕上統領客民進發乃阮輝宿黃益曉畏蒞太甚涕

泣籲求不敢出關因訪有二十年前在龍州署內辦理刑名之幕友林際清其叔向在廠上因年老於

乾隆三十六年招林際清到廠照料其人在廠有年為人正道頗能壓服羣情即令龍州通判作札

招致嗣接林際清回信力任攻勦之事所言井井有條即給發印札令其督率廠衆尅期前進奏到

奉 旨即賞給知縣職銜如將 許昌義返虛聲來果能成功並即以實缺銓補

破 孫士毅奏有廣東巡洋把總許昌義帶兵四十名遭風至安南又安地方經夷目撥給口糧分

作兩次送至軍營詢據許昌義稱黎城內有兵衆數十每日操演並稱富良江造有大船每船兩旁

設有多漿船內各架大礮操演時令該把總在旁  
觀者並誇示二三十斤生鐵礮子此不過阮惠緩  
兵之計其後官兵渡江並未見用此大礮阮惠虛  
張聲勢殊為可笑 上披奏燭其情形 諭

孫士毅毋令許昌 烏大經馳勁隊聯 先是奉  
義傳說煽惑軍心 旨令烏大經

帶兵五千名由馬白一路出口與孫士毅遙為聲  
援以分其勢不必為深入之舉嗣據孫士毅奏黎  
維謹稟內有阮惠留家之語恐阮惠聲言歸巢已  
從富春潛來黎城抗拒應與滇省官兵兩路夾攻  
因即傳 諭烏大經由宣光一帶進攻與  
粵兵會合使阮惠首尾不能相顧迅速藏事 德色

## 易形

## 詔風動

容辭 上以此次進兵致討興滅繼絕原屬義不  
容辭若因為其國多集兵馬廣費錢糧稍形德

色轉非  
務須約束

天朝字小之道申  
兵丁不可絲毫擾累

諭孫士毅  
臣伊齡阿  
嚴

科必肅令霜懸

孫士毅奏統兵出關之先申明紀律不許兵丁擅入該國民居妄取

一草一木恐該國無知不以為德而反  
以為忍深契  
聖心傳  
旨嘉獎  
待兵暫駐

歡情近

孫士毅原請廣西兵五千名出關之時帶領現到者三十八百名維時廣東兵五千

名已到者亦止五百名因在諒山停留二日繼慮再為少待未免示之以怯遂即日進行前進沿途夷民無不歡迎  
道左若獲更生  
下馬偕行喜氣聞  
孫士毅與許世亨等於十一月

初一日由諒山分兵兩路而進沿途探聽踪跡阮眾於遠處瞭望見官兵彌滿山谷不知多少無不喪膽潛逃不敢攔鋒凡遇險阻處孫世毅即與許世亨下馬與官兵一例步行弁兵見之人人踴躍



思奮母子嶺高雲直度

大兵一路由枚坡一由江漢枚坡一路徑甚叢雜又分支由

苔高蒨椿在嘉觀會齊有土官潘欽允黃玉伯率土民迎降其江漢一路由仁里唐甲枚稍梳榔等處前行中有母子嶺及畏天關乃險要處所彼已先逃官軍按隊前度由畏天關至訶訖柱右一路

直達先麗芹驛

臣阿必達

崑崙關險夜曾穿

諒山乃宋廣源州秋青夜度崑

崙關破儂智高之地

叔癡賊暫為囚耳

黎維謹及安南文武夷官民人等投稟三

件稟內歸惡黎維祁贊美阮惠而以維謹為已故國王維禱之子以次當立並以維祁不知下落請

接伊母眷回國惟求

天朝罷兵云云詢之隨

來之陪臣黎炯云維謹為人癡呆已經投順阮惠

阮惠以其易於愚弄假之出名等語孫士毅以原稟原供入告  
上以該國臣民之稟自係阮惠

一人偽造即黎維謹無論為愚為黠既已身在黎城隱忍苟存即不得不為阮惠所指使即使阮惠為此小誦豈遂以為可施愚弄不過習於明人駐兵聽勸之為冀緩我大兵以苟延旦夕而已

宣示軍機大臣并傳諭孫士毅咸仰  
聖心洞鑒情偽  
睿智無遺  
兄在弟母代

賈馬

上年九月內孫士毅奏黎維祁雖無消息而伊弟黎維祇現在厰上若令黎維祇暫主國

事迎回眷屬以待維祁之出即已藏事等語  
上以維祁係該國長孫例應承襲今若令維祇暫

主國事將來弟兄之間又多一番周折即使維祁終無下落尚有維祁之子維詮係黎維祇嫡曾孫

現在南寧安居自應俟事定後立維詮為國王俾延世祚不允士毅所請既昭君臣之分兼全兄弟

之好大舜之明物察  
倫聖人合契矣  
雙使行經捧

綸屢

館本朝翰林學士程芳朝禮部郎中張易賁封史

黎維禧二十二年遣翰林院侍讀明圖翰林院編修孫卓封黎維正五十八年遣內閣中書

鄧廷詰翰林院編修成文封黎維禔雍正十二年遣翰林院侍讀春山兵科給事中李學裕

修撰陳佚封黎維祜乾隆二年遣翰林院侍讀嵩壽

讀德保大理寺少卿顧汝修封黎維禔乾隆二十六年遣翰林院侍讀

氏十王維祺維禔以國初維禔以早卒未及封

也舊例冊封外國正副使由各衙門保舉四品以下官引見命往假一品服以重其選此

次以總督親齋勅印冊封臣海寧

御一戎定即剖符端

本朝定例朝鮮琉球安南諸國請封先由王嗣自行奏請下禮部議

遣正副使齎勅前往至該國行冊封禮禮成嗣王復遣  
陪臣奉表備物至京師謝恩上年十月內既得孫士毅  
出關之奏予念仗順申討事在必成定能重立黎氏照  
舊冊封雖事關體制而禮貴因時莫若於克復黎城之  
時即將黎維祁冊封為安南國王俾得早服榮寵以繫  
屬夷地人心用杜覲覲之漸且以省其表謝輸貢之勞  
用示體恤亂餘勞  
春卿駝紐新鑄印大清會典載外藩  
駝紐前因阮惠構亂該國舊傳印信遺失將來事定  
後補給恐與舊印無別今禮部預行鑄造於篆文印字  
內筆畫稍為易換以免將來遺印復出新舊淆混永昭  
信守若舊印尚可尋求則在黎氏已非吉祥之物令其  
送京  
紫閣鴻文重賜箋冊封外國勅書例由內閣撰擬  
銷燬  
於此役柔懷奠定之意及已後恭順藩維撫綏國人深  
培元氣念艱難而保康乂諄復再三中有溯百三十年

之職貢寧不念其祖宗披一十三道之與  
窮寇與開生

路別

孫士毅胸有成竹力肩鉅任自請出關進剿原當  
為掘穴擒渠之計但念廣東大兵勢威克復後黎

氏受封國有攸屬一時郡縣盡皆返正阮惠窮蹙若不  
與一生路該處南達暹羅西界老撾南掌山深海遠勢  
必逃竄到處又須追捕勞我兵力且令他國因此有事  
殊非正理因諭富綱如或阮惠見官兵威勢不敢投廣  
東軍前或前至雲南邊界求降富綱可以聽納面諭以  
懲周仁覆不棄鯢鯢尚可代為奏請寬恩網開一面照  
從前黃公墳之例貸其一死量予安置  
此亦別計要以為該國杜後患之意

伏兵得訊詭謀顛

我師分道並進後一路見新築  
木寨掘壕插竹似欲為堅拒計

而兵到輒逃棄柵不守無從踪跡根由夜間於深  
菁中緝獲阮文廷等八人訊知彼聞大兵分路是

以將衆撤回總在壽昌  
壽昌初到雞鳴蚤維昇副

將慶成等帶兵千二百於十屯匪多人蟻聚殫彼

壽昌江結浮橋衆屯北岸兵到退回岳使飛來疑

傳翼

我兵聞放鎗破赴勢追勦刻將浮橋擠斷十

起筏直上一無  
臣阿肅  
蚩尤霧釋總刺肩是夜重霧瀾漫

死者不勝計算  
黑旗柱右俱投幟總兵張朝龍領

行至三異柱右地方遇對坡阮衆樹黑旗搥鼓蜂

擒奪獲糧械鉛藥旗幟甚多弁員張兆璠領廠紅

民義勇等歲於壽昌江下游樹林亦有斬獲

帽嘉觀已脫顧

山遊擊張純從嘉觀一路進剿彼於

我兵奮殺彼遂敗竄其紅帽夷目中鎗落馬身死張純遂追至訶訥與張朝龍柱右之師合力勦殺

驚善泗沈終自沒

方遊擊劉越以兵二百伏誦繼地

過其地猝遇大兵倉皇無措俱跳入溪河其水勢甚深兩所樹著陰翳投下者淹斃幾盡臣胡

高鶚思反覆豈容翮

副將慶成守備黎致明以兵三百截路見騎馬者三人竄

入夷村發伏圍擒一為偽指揮黎廷一為偽內衛栗全均帶兵衆其一為陳名炳乃舊偽高平府督

既降復叛者初陳士毅抵鎮南關來降之諒山督潘啟德稟報有阮黨協鎮陳名炳帶兵來攻諒山

士毅即出關剿營距諒山七十里正發兵間潘啟德差同名炳所遣夷目到關稱名炳一路見張挂

天朝機文甚為懷懼情願一心歸順同啓德  
協力進勦隨入闕叩見伏地認罪士毅加賞給劄

今回糾義勇隨兵名炳叩謝忻忭而去嗣為阮惠  
留守黎城之偽大司馬吳初寄信哄嚇啓德不為

所誘緣信出首而名炳反覆仍回黎城士毅奏聞  
諭令務擒正法名炳在彼黨中尚能用兵叛歸

後阮惠拘質其妻子仍加任用柱右之貳即名炳  
領兵未及俘獲至是為慶成所縛名炳望見士毅

惟自稱負心祇求速死更無別語當即於軍門斬  
首名炳乍降乍叛首鼠兩端方自謂為得計孰知

天網恢恢終難倖免最為快意之舉事  
得旨慶成黎致明俱賞戴花翎加巴圖魯號

市球再進柵雖密十五日由三層山前抵市球江  
對面兩崖坡嶺阮眾為數頗多

一見官兵施放鎗礮甚為烈密然水面廣濶  
火砲之力僅及半江而止我師毫無傷損  
岸壁



少休江可填

我兵進至北岸因地形低下仰攻稍難士毅世亨令連拏牆遮驛立即壘

成少憩彼見我不得地利大有自高壓下之勢屢從浮橋及駕小船衝突前來我兵若將浮橋斫斷似示之以怯而江面無舟可渡欲結筏則大架木甚緊筏無障蔽形勢險阻不得不以計勝

右為陽覓渡

市球江勢繚曲非耳目所能及因令義民陽於右畔搬運竹木搭架浮橋

作欲渡之狀使彼專意相持不暇他顧

臣謝墉

銜枚左實暗浮川

探得江左

畔二十里外水勢稍緩徑途距遠密令張朝龍率兵二十因義勇導路暗帶乾糧夜半於其地以農家小船陸續暗渡朝龍留兵五百占據江口以千五百前進士毅又令李化龍以兵五百亦從此路接夾攻掃地塵俱淨

十七日丑刻我兵乘筏直進勇氣倍增阮眾竭力堵禦適

張朝龍之兵已渡抄出後路身先士卒直上山梁喊聲震天桴牆而進彼不知大兵從何而至驚魂

喪膽棄寨奔逃頃刻蕩淨差等施刑罪各緣天明後江岸創夷江波漂沒積屍約

及數十而生擒解到者五百餘人交隨營文員訊明情節其附近村民為彼逼脅在營樵汲者上體

好生寬宥俱照軍律割去右耳放回此外四百二十三人均係持械拒格王章嚴肅駢行正

法得間於書用囊嬰也兵貴謀勝古人沙囊木罌是上每用兵宵旰籌畫

因安南有三江之阻諭令於地利相持不能迅速處可於上下游尋求間道潛渡仰見聖

謨廣遠典學崇深兵法史書無不貫串臣吉夢熊

御製不期而合勝筵筭予既思得間渡之法命軍機大臣寄信馳諭孫士毅知之不數日間

而市球江之捷已至所行不近江收去船數十壽昌市  
約而合足徵任事必有同心球既捷

三江已越其二十九日兵臨富良江忽見江內舟艦盡  
數拘收南岸并沿江之竹斫伐俱盡使我無可編筏

### 守壘增來賊六千

據迎投人等稱阮惠原守黎城不過  
兵六七千人聞進勦之信又從巢調

到七八十人昨因壽昌之敗抽調六千人赴市球抗禦  
十七日薄暮有衆一二十帶創敗回入富良江七內守

拒孫士毅到時見彼或在江心或在彼岸施放礮  
不絕雖人數甚多然形勢忙亂知其已無固志矣  
結

### 筏渡兵纔二百

我兵於達岸尋獲小船竹筏各數隻載  
兵百餘驟進江腹奪獲一舟遂配載兵

二百餘人乘昏黑中不能辨別多少鼓柁直進遂得渡  
江前西師之役阿里衆援舒赫德乘夜進兵已效之方  
再用再捷孫士毅曾為軍機章  
京想心記其事故能仿而為之

殲凶算級積奇純

二十日五鼓兵達富良江兩岸屯聚之衆乘勢痛戮奪得小舟

三十餘更番駕駛來回數渡火飛魚爛身偕腐有

載過兵二十分路勦殺無算餘艘載約三四百人於江心順流欲去張純率小舟迅追已及回舟拒敵我鎗礮猛烈多擲火球但

見紅光飛舞江面各舟頃刻焚沉舟中無一得脫篆認梟渠頂半燃舟末沈者

有二鈎至岸傍舟內人俱為鎗火斃命獲木箱度印辨認篆文一為興化鎮一為龍普侯一為指揮

高家皆彼中用事違守黎城者詢來投人此十餘舟俱受偽職之舟目泥首相迎民

及族黎氏族人及百姓等俱出城跪迎既懾軍威復感聖澤咸稽首歡喜請孫士毅入城

懿修臣王秋毫無犯撫俄旋孫士毅與許世亨帶將弁數人輕騎入城查看

周圍土壘上種叢竹內有磚城二座其舊宮室俱為蹂躪蕩然無存安撫畢即刻出城回營兵丁無一人生歸那更歌鸚鵡維祁藏匿處距城不過一二程因阮惠黨與尚多恐為其所害不敢出頭是夜二鼓方來見孫士毅九叩恭謝天恩感激不可名狀禮送

寧聞叫杜鵑

孫士毅奏黎維祁母妻眷屬人等尚在寧維祁現今親信陪臣迎回士

毅知會孫永清禮送出關一路檄臺站官兵防護

三日

冊成

恩莫大

毅恭齋黎維祁於十一月冊封安南國王

勅印先已郵致孫士

儀注受

冊成禮具摺恭謝維祁以王孫嫡長倫序當立乃懦弱委靡毫無能為適丁阮惠之禍

一身在外轉徙民間老母弱子投依上國  
上時申大義俯諭夷民革心歸正忠於所事

并為存卹羈孤訪求播越不利其尺地一民不惜  
多費錢糧士馬特命封疆大臣建功將佐扶

義而南鼓行按堵迅渡三德江一正海國倫常重立  
黎氏社稷維祁初聞德音但有感泣匿身畏

首曾無尺寸自効洎城復身歸三日之間藍綬膺  
身章綬被體無國而有國無家而有家此誠生死

肉骨之  
高厚者矣  
恩莫名  
臣茅元銘

萬年觴晉境都平  
黎維祁間發兵討罪重  
封立國

受乾隆十五年封後親身入朝謝恩經孫士毅代奏請於  
聖主八旬萬壽可親赴京

師隨班祝釐並具奏聞  
金境就平維祁能以自立准其來朝蓋以侯該國  
惠

綏荒服加體卹而期莫安來朝出自誠心暫緩示之德意與前代德不能懷力不能致乃索其

代身金人者相去奚啻霄壤城當逆水占消矣唐長慶中安南都護阮元喜以

城當逆水州人多出叛逆改建今城淫布

天威讖果然

安南天威淫唐咸通時都護高駢所鑿今其地尚存駢以新走蠻寇繫此誌功命名

天威用自夸大其時以五管遐裔孤懸海外南詔土蠻相糾入寇陷城殺吏民二十萬人徵兵半天

下甫能驅退瘡痍未起侈然自雄若今日之仗義申討興師萬餘人閱期二十日三江飛渡而前

孤城不攻自破天威也聚米圖披方練進孫士毅得黎氏舊存自城至廣

南路程圖進呈并奏現鑄銅柱遠佇纓牽臣錢榮勸阮惠

不可違逆 天朝以此兄弟不協其巢荒遠海道可通暹羅前已 旨今粵省督撫檄曉暹羅

倘阮惠奔投不得容受一隅追覓飛 勦 走路窮佇俟迅掃巢穴以長嚙繫之

褒統帥桓蕪穀

奉 不及一月即已迅奏膚功克副委任著

加恩晉封為一等謀勇公並賞戴紅寶石帽頂以示優眷許世亨隨同征勦奮勇可嘉著封為一等

子用昭  
懋賞

賚逮戎行伯與什

前後 恩諭尚維昇賞戴花翎遊擊張純賞已圖魯號即以副將陞用

副將邢敦行叅將海慶楊興龍都司劉光國黑子虎彪守備張雲道員宋文型知府顧蔡陳玉麟俱賞戴花翎都司陳元奕珠敦守備郭升榮劉永泰七十九千總陳洪順路世遜甘雨民廖飛鴻馬正



強俱賞戴藍翎廠民李宏旺林槐瑞徐紹富俱賞  
千總項帶陳秉鈞何景昌魏榮標馮陶曾若元俱  
賞把總項帶其在事出力鎮將文武員弁俱查明  
等第從優議叙各路官兵俱屬勇往賞一月錢糧  
較衆出力者賞兩月錢糧中有曾  
在臺灣凱旋者再加賞一月錢糧  
**方畧有書導**

**智勇**

安南一役斷自  
申嚴賞罰鼓舞戎行  
聖心凡調度儲侍應務酬幾  
形扶立懦志一切皆由  
審畫自  
京師至黎  
城一萬一千一百六十里如在目前指之掌上

細密周詳諸臣遵奉施行  
諭日或再三光明正大  
批答不移晷刻馳  
細密周詳諸臣遵奉施行  
臣嚴福

**春秋之法徹霄淵**

御製  
予以君臣定分大經大法且久服  
滋恭懷柔運遠故為此不得已之

舉幸歲成功申之歌咏用昭  
名義所存並誌行間勞勩

**武功六七茲歲八**

御以來

兩定準部一平回疆再取大小金川以及靖臺灣降緬甸而滅王倫蘇四十三田五三事不與焉三十餘年之中武功告成者凡七茲仰荷上蒼眷佑復有戡定安南之師旣戴功美善惟願此後更無用兵之事日深競場與中外億兆共享昇平耳

吳賤古今獨異前方寸

肝宵惟自問作何保泰作何乾



御製詩五集卷四十三

欽定四庫全書

集部

御製詩五集卷四十四

欽定四庫全書

御製詩五集卷四十四

古今體一百六首已酉二

湖北巡撫惠齡奏百歲壽民吳國瑞孫曾四世一

堂詩以誌事

新正奏疏達金門率用休徵稱吉言江夏民登一百二

歲時壽冠衆黎元

湖北巡撫惠齡奏江夏縣壽民吳國瑞現年一百二歲四世一堂孫曾統

膝允稱人瑞因即諭部照例優加恩賚用昭盛世嘉祥

康強身尚行他郡期艾歲

方返故園

又據奏吳國瑞向日出外始於上年回籍隨據府縣詳報由司核轉具奏等語以百歲之

人尚能遊歷他鄉其精神康健又達勝繞膝孫曾繞四

歷年各省所報百歲壽民張子翼等矣

世勝伊五世見元孫

新正

雍和宮瞻禮

禪枝根積雪皚皚

邸第誠應佛域開庭宇依然滋肅穆繼繩寧敢負栽培

豈期莅政忽焉老尚憶生初於是孩

子以康熙辛卯生於是宮至十二歲

始蒙 皇 瞥眼光陰七十九一心迴向證如來  
祖養育宮中

題碧照樓

今歲立春遲冰仍凍液池依然碧以俯微寓照之思虛  
水實冰略殊致貞元自默移對時育物者日月奉無私

漪瀾堂

寓照金山景溪堂鏡治同

金山有齋面臨大江頗名鏡  
治此地據瓊島北麓畧仿照

金山現  
制為之雖殊冰與水藉悟色原空柳眼黃盼綠梅心白

釀紅試看凝凍者瀾意蓄其中

看畫廊口號

散步山廊曲且盤四隣佳趣展圖觀可知彼岸望斯者  
也有人將作畫看

題浴蘭軒

闡福寺之左有軒太液傍

北太液池俗名北海

翰臣數

上

古典擬

額浴蘭湯懷惻偶憐屈修靈豈慕梁

按梁武帝詩有云蘭湯浴身垢懣悔

淨心靈茲軒所由名乃取屈原懷芳抱潔之意而非梁武帝專修淨業之謂也

漫言春尚早盆

箭簇溫長

盆中溫蘭抽箭放香矣

沁泉廊

引來細水出山根不異靈泉乳竇翻一切世間名與象  
又何曾有定之存

罨畫軒

佳處都如畫對佳必有軒因之名亦屢自覺數八於言  
然遇目所覩孰非心所存問今即景者却好在春溫

鏡香室口號

鏡裏花香室亦香因之題額喻荷芳荷芳時每山莊駐



影像真如眇淼茫

觀張照書舊作冬夜煎茶之什輒用前韻題之

每攬舊作心常耿孤負夏炎及冬冷何來重見張照冊

書我冬夜之煎茗十年前詩率可刪自知弗當去聲過已

領

張照此冊乃余樂善堂集中之作今重加展閱覺氣格用韻遠不逮今予壬申年雜題詩即有十年前詩

率可刪之句況此尤予少作也

而況樂善堂集中硬語強盤多澀鯁亦

曾有作題照幀詩不稱

去聲

其揮紫穎後知畧稱惜彼亡

徒展遺蹤嘆光烟

丙申年題照書有云所作自慚弗稱字今差稱矣彼亡之聞今又十餘年

撫卷重題予之詩律頗自知之使照尚在學到老方知為予頻書近作照書即佳對之當無慙色

不足如下修絲汲古井茲因賡韻識造詣弗在淪甌及烹鼎然而用之一憶昔六十光陰剎那頃照書非出命

彼為想於斯篇有會省

凡臣工承命作書俱有奉勅敬書款即為皇子書亦必云某人

謹書照此卷雖署御製然予登極前所作並非予命之書也或照常誦此詩因而揮翰而予即近詩以觀少作覺境地益進即今題此什乃疊舊韻昔之強盤硬語今更漸近自然惜照不及見之而書之也我謂弗

稱去聲

書如前却似晤談清夜永詩當用正慢用奇政實

宜寬弗宜猛目前所會祇如茲合道否乎疑捉影

立春日春帖子

雪積三冬厚春生十日前

正月初九日立春

乾交坤泰矣人與

物閤然

氣率開闢始陽歌甲乙青對時驗黃道布惠自明廷

丙寅月值丙寅日

是日丙寅

一歲節開兩歲春

今歲通閏十二月二十日

即立庚戌春是一歲兩春也

物阜民安祝

天佑輦謙保泰勵心諄

詠白玉如意

俗琢翻增惡狀披譬如不潔冒西施庸工弄巧堪厭矣  
一例加磨俾去之留玷圖其斤兩重祛瑕全此瑾瑜姿  
不論美惡論厚薄欲笑陶朱未審思

按賈誼新書載陶朱公語家有白璧二其色相如其  
徑相如其澤相如然其價不相如一者千金一者五  
百金何則側而視之其一者厚倍之是以千金云云  
陶朱公設言價之不齊由於璧之有厚薄理固然矣  
然如今之庸工攻玉其美巧者誠堪鄙至於不論形

製之美惡祇計體質之厚薄以厚者重而可獲倍價  
於是不復去其瑕玷以全瑾瑜之姿則又未始非陶朱  
公之言誤之也因改製俗匠所為玉如意故并識之

李士達歲朝圖即用其韻

仲冬乃作歲朝詩

首句云今朝元旦試題詩而自識  
又兩辰仲冬寫殊屬不倫故朝之預

舉辛盤柏酒卮所謂今朝定何日達人似未達其時

臺灣戰圖補詠四首

丙戌年曾為西師戰圖補詠六首序而行之蓋其

事歷五歲地逾萬里部為兩類故久稽博訪而後  
圖成茲臺灣之役雖越重洋至內山撫生番然成  
功未至三月全師凱旋前席親詢歷歷明明故前  
已詠而後茲補隔歲而歲以全雖然余更有深懼  
於斯者焉二逆僭理倡亂

天鑒昭然其取滅亡固不待數計而龜卜也然而林爽  
文既入內山欲南赴莊大田忽自疑而北返是一

奇也

林爽文當大里杙既破之後向南逃至集集  
埔小半天山等處當欲直赴南路與莊大田

合并因福康安於南路阿裡山等處派兵預防竄逸並屢次拏獲林興文莊大田通信之人賊人彼此既不知去嚮而林興文似又不甘投奔莊大田處且其始本欲以內山為遁跡之所以為官兵必不能窮追至此於是遲疑向北復至生番獅頭屋鰲等社不知福康安先已厚賞諄諭各社協力同緝追奔數百里勦殺萬餘人遂於老衢崎地方將林興文擒獲

莊大田實近海而

弗逃海以入內山又一奇也

莊大田聞福康安帶領巴圖魯及各省勁

兵過海亦知畏懼惟不能得北路林興文信息是以尚復窺伺府城但當大兵南下之時莊大田在鳳山一帶距海甚近意其必即赴海逃遁以圖倖免乃又被官兵追殺至極南鄉嶠山內而各社生番俱受福康安預飭非惟不敢容留並且一同堵截於是官兵分隊四面合圍將莊大田及其大頭

目四十餘人一并生獲即幸而福康安預諭內山

此足驗

上蒼佑助也

生番厚與賞項故內山之番皆為我用二逆皆為  
番所遮以就我兵之擒是豈人力哉

天也

上天佑予並佑予所用之臣所發之兵不有圖形紀勳  
以旌其勞亦非所以答

明賜而示後昆也且福康安者故大學士傅恒之子而  
孝賢皇后之姪也使不能成此功朕必重罪之今



幸成此大功愜予之望不重賞以表忠則予為矯情其何以勵衆臣哉故予之愜願在茲懼懷亦在茲觀斯文者其庶幾有以諒予乎亦庶幾有以知予乎

大埔林之戰

諸羅圍解即進攻斗六門賊匪萬餘分拒大埔林各莊阻截道路福康安令普吉保等進攻大埔林鄂輝等進攻大埔尾海蘭察等率兵馳射克其中

林於是大埔林大埔尾同時並潰追奔二十餘里  
殺賊六七百名鎗斃賊目十餘人賊氣遂奪

諸羅圍解迤南通

福康安等於上年十一月初八日既解諸羅圍後自山麓以至瀕海村莊

為賊所佔據者即日奮勇勦殺全行收復而普爾普亦即將迤南至府城道路打通於是大兵得以專力直攻

斗六門奪賊要隘

斗六門當所必攻不與暇因搃勝計破其堅

乃易成功路經三埔皆酣戰賊擁千羣尚肆訐大膊大  
縣消頃刻雄風何異捲飛蓬

### 集集埔之戰

賊巢既破林爽文同賊夥往來水沙連之水裏社等處預為退守地步而集集埔為入山要路地形斜夾南北兩山中橫大溪名濁水溪沿溪數萬畝田藉此灌溉賊匪壅遏溪水既為迫脅良民之計並壘石陡塹上阻溪自固及官兵至溪賊約萬餘人蔽牆發火器官兵排鎗前進兼用大礮斃賊甚衆海蘭察等乘馬浮過福康安等督催官兵齊進人人泅水徑渡直摧賊壘自入內山戰功此為第

一

攻開大里逆潛逃領衆追蹤佈置牢齊率健兵涉溪險

別差精騎據峯高

賊匪固守集集埔並於北山草嶺設卡自防福康安派令普爾普許世亨

等由山路進攻及官兵過溪普爾普等亦攻克草嶺前來會合痛加勦洗有奔無路賊投水

官兵既克集集埔雖將溪水當時開放而一時不能盡瀉其老幼婦女不及奔避投水死者不可勝計思

并威行士飲醪此是內山第一戰首兇將逮釜其膏

### 大武壠之戰

小半天山戰勝之後林爽文旋即就擒福康安遂

移師而南圖勦莊大田維時南路賊匪屯聚大武

壠山內於是有大武壠之戰

首逆已從內山獲次惟南路大田

莊存

北路林典文雖已就擒而莊大

田在鳳山一帶尚復窺伺府城設令事急遁海逃勢難捕獲迨後福康安令烏什哈達帶水師戰艦絕其去路并即生擒大田真所謂自作孽不可逭也

當車尚作螳臂計武壠空傳蟻

陣屯

福康安詢知南路賊匪屯聚大武壠山內令鄂輝許世亨烏什哈達六十七等於正月十九日帶兵

前進賊匪放鎗礮抵禦官兵撲上山梁壓下趕過大武壠河殺賊三百餘名生擒一百餘名適普爾普亦由內山大埔等處搜勦至大武壠隘口帶領格綢額等分路迎賊斬首四百餘級生擒一百二十餘名餘黨旋即潰

竄攫戾破堅千隊奮駭驚喙竄一時奔舟師更遣預防

海餘猥

林奕文為狼莊大田為猥也

真成釜底魂

### 枋寮之戰

餘匪自大武壠南下復在枋寮聚集福康安至埤頭即令海蘭察鄂輝等進勦福康安沿途搜捕隨後接應殺獲無算莊大田勢已成擒矣

枋寮武壠比隣接敗後賊人聚守岑頗解沿山截後路

那防勦隊出深林

正月二十六日賊匪二十餘人沿山抄截官兵後路海蘭察與賊遇即分

穆克登阿梁朝桂等備賊南來分許世亨六十七烏什  
哈達等回兵迎擊而自由蔗園內出其不意橫衝賊陣  
射死賊目十餘人殺賊三百餘名乘勝追至海岸復殺  
賊一十餘名其餘自行投海及擄入海淹斃者不計其  
數奪獲馬匹鎗  
賊器械甚夥蜂屯蟻聚都喪膽倡亂逞奸爾悔心投

海沙蟲不計數大田山竄待生擒

莊大田若使預逃入海當亦無計窮追惟

其奔竄內山於是福康安令巴圖魯等分隊合圍不啻  
待擒伏法可知覆載不容斷難漏網有若陰奪其魄者  
然

題匣貯古稀天子寶

天子古稀九玉章匣貯閑畫工獻彼技射虎肖其間

匣蓋

面錫飾射虎圖宛  
肖圍場中風景

又已十年閱何曾一瞬慳雄心漸消

泯逸志在高間

雪

正月十二日

頭外同雲幕尾辰細霰瑳旋時遂飄颻卓午益婆娑三

寸玉已積五旬日未過

自冬至月廿六日  
後至今未五日

入宵猶密

灑於澤那辭多

祈穀禮成述事

今年九日立新春



祈穀虔應值次辛

今歲正月

初九日立春若用初四日祈穀則尚在臘月內是以

用十四日次辛 階陟三成申敬肅

璧希六度薦躬親

自來歲庚戌至乙卯再六次躬親大祀即屆丙辰歸政之歲矣 食

惟民命日滋未

後漢書滋味於未是日辛未日支適叶祥占

舉以人生時用

寅得一承

裡一為幸幸增田燭照鋪銀

新正幸御園之作

祈歲

穹壇事敬竣御園用吉駐新年奉時行慶合如例豫衆  
懷遐未可捐城市節前歡比戶邨郊雪後積原田心殷  
對育堪稱泰保泰誠難祗憫然

### 題宜春殿

春為元也善之長惟是一宜無不宜朵殿顧名每思義

寰區發號必先施

每於陽歲冬底馳詢各省督撫有無  
偏災應行加賑之處至歲首即先頒

發恩旨以  
普春祺

安懷老幼常廩彼綵貼華鐙豈樂斯舒疊羣

雍奉粵宛同民臺者共登之

文源閣得句

四庫崇文建御園行春初社例詩言外王惟勗心無逸  
內聖猶慚學有源經與史誠資法鑒子和集亦助摛論  
設云守約應何是成性存存道義門

富春樓有會

保合太和名殿後富春層有樓顧名思義久點筆着詞酬

是樓建於乾隆三年至二十五年纔一題  
句茲聞三十年始再有詩亦可謂疎矣

豈詡花木景

惟先民物憂庶幾守初志永保萬年庥

降旨命孫士毅班師凱旋詩以誌事

收復黎城寇竄邊嗣孫封授告功全

孫士毅會同許世亨等帶兵出關致

討阮逆飛渡三江所嚮克捷將阮衆痛加殲戮彼即窘迫潛逃黎城不攻自破先已降旨鑄印撰勅頒發軍營

是日黎維祁來歸即傳旨冊封為安南國王

欲擒阮惠待增旅熟計廣南遙

二千

孫士毅克復黎城即籌直抵廣南擒拏阮惠無如黎城經阮惠佔據後一切國用空虛而黎維祁又

一籌莫展據孫士毅奏自黎城至廣南二十餘里設站運糧即須內地十數萬人夫權其輕重似覺非宜詳見

戡定安南班師記中

屬國逆臣付彼勦官軍遠域命齊旋

此次征討安南

本非利其境土今黎維祁重膺封爵於興滅繼絕之舉大局已為全善因思阮惠等雖現在遠竄未獲寔為彼

國逋逃聲罪致討翦逆安邦乃該國王所應自勉者中朝兵力斷無久駐其地代為搜緝之理且夷衆甫經安集官兵在彼久稽未免心生疑駭亦非體恤新造小邦之道因明白宣諭令孫士毅安為安頓撤兵事宜或代為巡設邊防令其嚴立卡汛將大軍全行撤回並諭雲南領兵提督烏大經一體班師

孱王幾世

難自立

安南近代以來自黎維禡即權勢下移今黎維禡又不能自立其難以圖存已可樂見是以班

師記中默有所會謂可知予亦惟敬奉

天道以俟之耳

天厭之乎合奉

天

上元前一日小宴宗藩及諸孫曾元用乙巳年韻

到園已是掛燈聯節宴輩行柑例傳詎幸七言成昔日

竟符五代慶今年

孫曾輩例於六歲入上書房讀書至娶媳後乃與節宴惟元孫載錫慶衍

瓜綿尤為天家盛事不必拘以常例欲俟六歲讀書時即可令其入宴是以乙巳上元前一日小宴宗藩及諸孫曾詩有編展書房待預元之句今歲載錫己及八學之年遂同預宴拜跪如儀允符五代同堂之慶

宗

枝繁以承

諸祖世代增惟叨

上元顧鮮長

上聲

年肆筵者

座中久無叔輩即同行皆三四十歲之人亦無長於予者

躬黃耆矣笑何然

上元鐙詞

三五原應是此宵疇人置望在明朝

正月望在十六日

冰輪雲

裏還小畜

是日陰

屈以為申理自昭

幾

平聲

望示冲道則宜

幾作平聲言欲望而未也

示冲見謝莊賦

究當此夜有

鐙詞順時行慶寧娛已為祝吾民福履綏

旬五象天六爻衍九三為望泰來時

班固以正月望為乾之九三

如

云觀象玩辭吉敢懈思艱圖易攷

魚鱗傍晚隱斜陽景輳山高與水長

樓名此地寬敞每歲鐙節於此陳火

戲凡外藩年班入  
觀者俱令同觀

致戒循環詠排卦大人休否繫苞桑

乞漿得酒月初寅百歲熙和帝里春燭朗元宵輝辨物

副名此樂稱

去聲同人

聯情中外異常年海嶠新番命入筵

福康安前年過臺灣剿除逆匪嗣林

典文等逃入生番界內福康安恩威並施各生番俱能  
効命協捕遂即生擒二逆首蕩平餘匪當即厚加賞賚  
旋據福康安奏屋蘇阿里山大武壠傀儡山四社頭目  
及番目等顯懇入覲既允其請茲並令與觀燈火以示

寵燈舞排成書大有望之顯若更慙然

屢豐大有  
豈易得乎

今夜金吾不禁嚴星橋火樹月明簾

大戲名

祠膏汎粥任



民俗旰食宵衣輩已謙

銀花燭夜明爭月爆竹通宵殷似雷豫與天權宣奏

音

達翻飛蠕動樂春臺

直隸總督劉莪奏報得雪詩以誌喜

馳駭五百里明稱雪澤霑

外省各督撫或為河工或為海塘或因地方有緊急事務

間有用五百里六百里奏報每聞稱五六百里者未免驚疑茲劉莪以保定省城於新正十二日得雪八寸發五百里奏摺固屬循例馳遞冀其速達以慰予懷而報面寫明報雪字樣更可一望而知免滋他慮所謂曉人固當如是  
寸仍過乎此祥實不須占二麥遙為慶五言喜

以拈撫心自勗者戒滿曰宜謙

淮安監督徵瑞奏報淮安得雨詩以誌喜

監督司關樞兼令報雨暘

司關者若許其知地方事則不可若報雨暘乃兼聽並觀

之道庶不致蔽民隱

春霖稱四寸

徵瑞奏淮安地方自上年十一月二十日得雪後已經月餘民

間正在望澤茲於新正月初四日未時起至初五日丑時得雨四寸有餘二麥獲此優霑倍加長發農民實深懽

慶初祉肇十祥丑未歷時久隰原被澤滂副名更徵瑞

謂其名

仍待撫臣章

徵瑞之奏但據淮安左近想該督撫亦即奏至矣

上元後一日小宴廷臣即事得句

霽色靈光麗以皚御園景物倍佳哉首春黃染初稊淺

新雪還增舊樹培卜晝從來非卜夜

凡曲宴廷臣率不過未申時

相

賡庶不負相陪却思去歲曾令罷

去歲新正擬以平定臺灣聯句俟至上元

後一日尚未報到因罷舉此宴至二月朔日紅旗奏至始舉茶宴

一歲流陰瞥眼纔

正接安南達奏牋賢勞臣惜未茵聯

安南一役孫士毅力肩鉅任竟能克

復黎城歲功不日今早適接其奏章念其賢勞宣力惜以遠在軍營未得與坐

仍常用武非黷

也輒獲成功實憫然所信一心敬躋己每於諸事佑從

天古云適百半九十敢不慎乎此七年

予蒙

天祐數十年中九歲

大功自今歲計至丙辰歸政之期祇餘七年敢  
不慎終如始並勵孜孜冀酬  
吳蒼恩春

敬題朗吟閣

最久園中閣兩言

題額橫

此閣名為  
予尚在幼齡

皇考潛邸時所題其時  
每於此仰承  
聖訓

春秋奉

明訓風月寄

閒評五福堂依近

閣在堂之右  
有廊通之

萬年祚永宏聞詩聞禮

日那識

朗吟情

涵遠齋有會

冰雖水所凝其用亦頗殊冰可踐而行問水其能乎然  
以言涵遠固知冰弗如溪齋一顧名即景時尚需絜矩  
用人材善任實殷予

含碧堂

溪堂臨水此臨冰莫謂尋名弗相入聲應一碧豈曾有兩

色其間堪會動和凝

澄練樓

湖水底須寬憑欄率可觀雖遲魚負背已聽雁迴翰因  
悟靜勝動那量方與團如論澄照處真是俯冰紈

題翠微堂

翠微弗及頂乃以真山言假山惟培塿於堂何有焉然  
而開窓望西山固目前嵐靄縹青氣翠而微且妍益鬱  
攬真佳得句宜其間

再題廊然大公八景

雙鶴齋

來翔去翥原無定不隻曰雙却有名點筆寧須構深思  
鮑昭賦曲盡其情

規月橋

規月為橋象圓月月之規又孰為之明珠冰水韜

暗於水

和現顯於水却是橫橋付不知

峭蒨居

峭原石性峙如古蒨以林言酣待春孟月冶姚還未  
寗佳趣乃在逡巡

影山樓

小閣依巖巖浸水一時靜會得憑閒謾言山是真實體  
凡有形胥影象間

披雲逕

徑宜曲折不宜寬未可澹臺一例觀設曰英英披襯步  
得於夏易得春難

綺吟堂

為文四字恒申訓

向因鄉會試文體多趨詞藻每以清  
真雅正四字訓誡衡文者嚴為鑒別



即曰為詩亦豈殊書屋山莊額清綺其間酌劑早殷吾

屢題避暑山莊清綺書屋頗悟詩法有云綺傷俗斯厭清積健為雄兩字味題額詩詮括箇中又有云綺或近乎麗濟之清乃佳蓋亦酌劑得中之意斯堂名曰綺吟慮其近乎麗也因拈此義示之

### 韻石淙

泉非淙石難為韻石不淙泉韻豈成萬理一如斯可悟  
而其得一在忘情

### 啟秀亭

啟秀無非造化功同春與物意冲融再三豈啻凡經幾

師者所以傳道解惑在學者亦當問之弗知弗措豈有因其再三之瀆而轉不以告之理予幼時執經問難必求得其解而後已若如易所言瀆則不告是使之終於蒙也

讀易翻嫌不告蒙

素心堂有感並書以賜大學士嵇璜

素心含内外有志亦須陳書史以脩己股肱用治民尊

聞則何有

謂脩己

作古已看頻

謂諸舊臣

孰不高年願高年鮮

舊隣

山東河南山西各報得雪同日奏至詩以誌慰

十二日之雪幸霑四省同

京城於新正十二日得雪觀其雲勢所及必廣即據直隸

總督劉綏奏保定等處亦於是日得雪今日又據山東巡撫長麟河南巡撫伍拉納護山西巡撫布政使鄭源壽奏至各報得雪淺深寸異耳先後刻殊中據長麟奏日期果俱同日

濟南省城

於正月十二日丑時起至酉時止得雪除融化外積地五寸有餘其附近之齊河長清長山章邱濟陽鄒平禹城平原等縣具報同日各得雪四五寸不等是日風靜氣恬雲勢濃遠自必一律均霑俟查明再奏又據伍拉納奏開封省城於十二日子刻得雪起極為稠密至未時尚未停止差查郊外消化入土三寸有餘積厚五寸餘且同雲四布河北河南各屬亦必同時霑被又鄭源壽奏太原省城於十二日寅時起至申時止得雪除融化外積地五寸現據近省之太原徐溝榆次文水忻州等州縣各報同日得雪三四五寸不等各省初春普被祥霽於麥田深有裨益而胥渥麥苗潤普滋地氣融似四省同日得雪實罕達者

茲蒙

厚貺實益惕微躬

題漢玉雙盃

漢玉合卺盃內府藏者不一而足此雙盃製式如  
合卺而各為一器誠昏禮合卺而醕之物也各為  
一器則易分而未分焉疑其有丁甲護持者然點  
筆成章以誌感物

雙盃本各玉而追長短橢圓一例為粟粒螭紋圍上下

土華銅暈沁參差贏他合合色易成聚一苑是長聚也幸  
此分庖永不離義叶破匏安至此佳城伴者慢懷其

題弘旰山水冊

層城十二難為數上聲隱隱雲端見玉樓說向世間佞仙  
者此中無路慢須求

右層城元圃

漁舍蝸寮隔野陂春來新水乍生時綠含遠柳近未葉  
趙北燕南故若斯

右湖村新綠

萬壑有泉松護之  
泛乎濤者屬乎誰  
却從問答間悟得  
有說不期塵世知

右萬壑松濤

孤峯絕澗遠塵氛  
曲棧還教數白雲  
周子設恒處乎是  
稚圭何致有移文

右螺峯暖靄

泛泛平波破野烟  
隨流得住任其然  
湖光山影都晴意

莫認尋常訪戴船

右晴溪輕舫

縈青繚白路難通為恐人來拜下風  
若問芝田何處是翠峰搖別半天中

右丹嶂芝田

峻挺重重疊樹蒼羊腸有路曲偏長  
軸邁問孰宜居此合是逢萌與薛方

右烟扉雲厂

西嶺霞標暮色披，塞湖如鏡淡輕漪。六年前此漾舟景，  
向來駐蹕避暑山莊。每當秋望塞湖泛月，即景成吟，或  
侍月霞標乘馬遊山，自辛丑壬寅以年逾古稀，遂有塞  
湖弗泛月之作。迄今往苒，又  
閱六年，此圖佈景頗似之。

老矣而今懶不為

### 右鏡湖泛月

水之平也，自無鳴港。隔高低，必作聲。却憶昌黎寄東野

忽然漏此未曾評

昌黎送孟東野序雖云水之無聲風  
蕩之鳴而未及高低之鳴，湍寬於不

得其平之義  
猶有未備

### 右曲港鳴湍



底論得神及去形消然雲白與山青別開生面浣花句  
不見山村露一亭

畫中景  
如是

右歸雲擁岫

蘿磴盤盤入雲表仙梯有路可能成不如築室嘉蔭下  
靜聽松風自在鳴

右仙梯蘿磴

寒鎖千崖突兀枝琳宮隱約向空披翠巖有問如何答

正是眉毛落盡時

翠巖永明禪師說法云一夏與兄弟  
東語西話看翠巖眉毛在麼見歷代

禪師  
語錄

右寒崖琳宇

幾架幽居倚翠微  
深林自為

去聲

掩雲扉  
欲詢箇裏適肥

者周黨其人是也非

右翠微雲屋

畧約平橫溪水上  
柳風上下映輕漪  
小樓更在山深處  
問渡不知待者誰

右柳風野約

萬綠叢端有玉臺虛無雲表豁然開教他磧底閒房幾  
足接尋常過客來

右玉臺積翠

板橋曲折溪亭接習習香風左右披傳得杜詩神逸處  
灑然荷淨納涼時

右荷香水榭

梁為橫也壁為豎經緯從心一幅中筆底可知解禪偈  
十方三際遍而窮

右石梁苔壁

近喜樹姿放疎濶遠延山勢露清真笑他騁目眺景者  
饒有披圖眺已人

右碧巖靜眺

萍嶽崇峯疊樹皺濃陰如蓋路堪循屈屣四柱空空在  
留與方來坐眺賓

右深谷濃陰

幾樹丹楓俯碧漪停橈有客背觀斯可知舟較車為穩

生面饒他杜牧之

右楓江艤棹

一箇危亭幾株樹不爭多景祇爭神幘中弗署做誰筆  
知是深於倪法人

右笠亭霜坂

青蓮萬朶碧霄摩何事瀟溪愛闕他休訝芙蓉森陸地  
白雲襯底豈非波

右萬疊芙蓉

開牖山樓出樹端平聲來腹藁却非難設云兩句三年  
得島瘦如何耐此寒

右山樓覓句

廿四番風減却春

是冊二十四頁皆山水其間覓句正如空中樓閣耳故戲及之瑶岑

冊裏獨嶙峋空中樓閣搜吟罷聊借玉花淨掃塵

右遙岑竹墅

節後含經堂自愧

含經要味道節後尚春初到每審予已可能弗負書脩

身常關若問治更瞠如無語高堂者那知隱笑予

靜通齋

濂溪太極說聖人常主靜通書更注之明通理堪省內  
外交相養無欲挈要領齋額仰

奎文

齋額乃  
皇考所題也

不敏願勉黽

養和室口號

一室冲融號養和  
窓前春物未婆娑  
諸凡未發先為蓄  
吾亦於斯所得多

水雲居

御湖雖弗寬頗具滄波趣水雲本一家然各有時遇春  
之水雲艱夏之水雲屢艱每願其來屢每願其去水雲  
豈有意而人殊好惡好惡分公私即公亦情附誰能去  
安排忘情任其素

耕雲堂

山堂冠嶺出牆頭雨笠雲鋤一望收四海三登同此願  
自知此願實難酬



延藻樓自嘲

四集詩將三萬首至今尚未歇吟手  
吉人辭寡躁人多  
每覺言之恒自醜然而知過改未能以是夜寐是夙興  
寄語高樓韜其藻長此將致杜老憎

綠稠齋

園中題額句多留屢見弗鮮新者求齋額一瞻欣初得  
惡他新綠未曾稠

詠漢玉穀壁

周制原為子所掌八土出土千年上

叶謂上下高有低之上在漾韻

可好焉可慨焉乃為玩物共人賞摩挲弗覺追琢痕紫  
綠白雲圍月朗是謂三元之三素知誰翹首向北仰

題張照草書臨顏真卿爭坐位帖

每觀此幅措辭艱擊破唾壺笑破顏高矮本書莫斯若

丙午秋得張照臨爭坐位帖高本一卷丁未春復得照  
矮本所臨爭坐位帖一卷兩本各極其妙而皆不及此  
石渠舊藏節臨幅本尤為神明規矩蓋醉中偶然所仿  
手活神全天趣更勝也詳見前題高矮二本詩注中

米程臨榻總湏刪

張丑清河書畫舫及袁楠清容居士  
集俱載米芾臨顏魯公爭坐位帖又

照所臨高本後自識云程尊卿有宋榻坐位帖世所希有借臨一通云云今米臨宋榻雖未見而得照此本亦可謂後來居上矣

是醒是醉神全候不即不離佛偈閒懶筆邊

綾命董代

此幅裝潢新綾於筆墨不能甚適是以前題高矮二本詩及題董其昌臨本詩並此什俱

命董誥書  
幅邊左右

亦因真在意為憫

詠和闐玉漢製龍尾觥

石子週身土浸蓋數千年物矣相其質不大加追

琢命為漢製龍尾觥

今觥肖漢製豈實出炎劉辟面盡於背匪商定即周

和闐

雖外域然亦商周以來所有地也

羊脂内存質龍尾外加脩事半功成

倍悟同為學不

節後萬壽山六韻

御苑甫收燈名山暇可憑候緣立春晚

初九日立春

氣尚峭

寒凝初月政猶簡

甫開印辨事

稚韶吟適仍峯陰欣積雪湖

面未融冰醞釀理宜悟冶姚景會乘拈鬚黑兼白明歲

八旬登

題樂壽堂

智者樂而仁者壽讀書人義大都披循名責實何有我

於宋稱高却鄙其

宋高宗內禪後稱樂壽老人亦因志耽遊宴遂爾亟謝仔肩余壬寅詩云

彼其耽燕間率非吾所取誠鄙之也

先定

堂名

後知

高宗號

難易耳菟裘寧壽

遂如之

茲園之樂壽堂題額時固不知宋高宗有是號寧壽宮以斯名堂則數典於此欲於六十年歸

政後居之以娛老較彼之自便已私者名雖同而實異矣

以云山水真佳趣黃屋宮

中較遜茲

瞰碧臺

林樹待抽芽湖水正含凍登臺一俯瞰碧色尚未紅然

而融冶意已覺徐徐貢流陰誠迅哉分寸曾無空碧來  
弗幾時瞰仍轉眼送

道存齋口號

初歲開韶氣始怡名山書屋偶臨之若云目擊道存處  
踐履依然深愧斯

韋述初歲開韶月之詩膾炙人口然其領聯云晚晴  
搖水態乃夏秋之景頸聯云花飛樵路香則更非初  
春之意因用其句並識於此以俟知詩者

霽清軒

額見霽清名因思霽清義霽欲若乎時清乃愜夫意春  
雨望如酥逢霽率愁致夏霖畏其潦盼霽若弗遂惟當  
冬雪渥新正霽清值有林都花粘有山皆玉積斯清實  
清哉汜勝早稱瑞

題樂安和室

御園樂安和夏日每以居山園樂安和肖其式為諸一  
遊即返蹕誠似馳驛如予遇佳山水輒過而不留昔年  
南巡尹繼善有馳驛遊山之喻

正契予意詩然樂安與和在民非在吾民失和與安吾  
中因屢及之

樂豈良圖是則居與遊此意何處無

### 袖嵐書屋

嵐竇山之氣非雲浮一派曾為定其名夕嵐而朝靄

嵐靄

二字見於謝靈運詩夕曛嵐氣陰王維道遙谷宴集序  
有羣山夕嵐之語是皆謂嵐氣為夕至李商隱詩有徒  
望朝嵐與夕曛之句於是始以嵐為朝氣夫謂嵐必朝  
而靄必夕固為太泥若以字義繹之嵐為山氣故嵐从  
風靄為雲容故靄从雨向駐蹕避暑山莊以朝夕風信  
驗之每遇終風弗息則是日無嵐是夕當為嵐可以無  
疑詳見辛

書屋向西山山嵐遙映帶宛如在襟袖對之

且嵐靄詩



心意快設循名責實晚景清堪會偷閒偶試遊幾曾申  
酉逮瞻題每恣然拈詠聊償債

雲繪軒

雲繪名軒亦已陳每來會意覺殊頻如圖設作如酥者  
名不為虛正好春

題繪芳堂

大塊假文章兼復假圖畫仁見仁之端智見智之派文  
章以心領圖畫以物繪漱芳與披芳畧惟分內外然而

外即內舍內外奚在叶  
憩堂賦五字油然而靜會

景明樓

一道長堤界兩湖  
三間高閣據中區  
山光水色東西望  
魚躍鳶飛上下俱  
雖是春韶猶醞釀  
可知物意已舒蘇  
岳陽記句即景攬  
後樂先憂實切吾

宿雲簷

名山無不解生雲  
寓霧出楹古所聞  
豈必較他周與孔

孔稚圭北出移文中  
有寓霧出楹句是謂  
周顒者

雪乎雨可兩都欣

綺望軒

綺望山陰水之裔水陸之華都稱意初春此意尚其遙  
幾缶古梅花始試然而明窓淨几間瀟灑頗因生靜會  
使其紅紫爛漫時曉眼當省凋謝至

望蟾閣

望蟾宿所名而却未一試曉蟾值寅卯正為理政際晚  
蟾當酉戌遊罷早歸蹕設如期副名耽玩非美事責實  
縱亦其無逸恒勉自

對鷗舫

湖上搆虛軒依波與舫同對鷗以名之水鳥時相從云  
盟及云狎猶在形迹中不如任其然雲水連長空適哉  
翔翥間何愁海上翁

愛山樓口號

樓不背山山脚連同仁者愛額楣顛雖然即景聊寓意  
問孰能無隨境遷

孫士毅奏阮惠侵逼黎城黎維祁復遁官軍撤回

鎮南關詩以誌事

廣南衆忽逼城闔私遁維祁復棄民

孫士毅收復黎城遵旨冊封黎維祁

為國王後因即降旨令其撤兵以完此局不意日內接到孫士毅奏正月初二日黎維祁忽至軍營稟稱聞阮惠等有糾衆前來搶奪黎城之信孫士毅與許世亨正在分兵前進奮力勦殺而黎維祁已即携眷潛逃以致該國百姓驚慌逃散無復堵禦之策孫士毅因黎維祁潛逃未便仍駐黎城即帶兵先回至市球江搶佔北岸以待大兵之撤中朝因黎氏臣服已久世篤恭順見其母妻敬問求救誼難坐視隨命孫士毅馳赴廣西就近籌辦節據孫士毅奏檄諭安南各鎮目及廩民人等無不聞風響應該督復力有重任自請統兵出關予以所見甚正是以降旨允行及該督與執督許世亨出關後屢次克捷未及一月已即收復黎城遵旨冊封中朝字

小存亡之道已為備至是以降旨班師乃孫士毅意在貪功或冀阮惠來投不即撤回致有此意外之事而黎維祁一聞音信先已遁去是伊自棄祇可迴軍一方伯其民當亦氣數使然無可如何者爾

深憐致命兩戎臣

孫士毅係總統大員見形勢稍迫自應審量進退以全國體據奏業已回

至鎮南關內惟提督許世亨總兵張朝龍等因追殺阮眾臨陣捐軀深為可惜許世亨前封子爵因加恩即令伊子承襲其張朝龍等並令一體從優議卹以勵忠蓋

一為甚矣寧宜再

天所厭乎絕望人

予前此所降班師諭旨及班師記中有或者天厭黎氏之德不加護

佑之語彼時以黎氏近代鮮有自強之君而黎維祁又庸懦無知不能自立據孫士毅曾奏克復黎城復封為王之後諄諄告以用人守邦之要當知自勉而黎維祁轉以為煩苦是以料其將來或者不為上天佑助

無意中有此語孰知今日竟相符合似有先兆者然予  
惟奉若 天道栽培傾覆一本大公豈敢於天  
之所素而必欲助之使復興耶今黎維祁已同伊母子  
先後逃進閩內斷無再膺封爵之理因命孫士毅孫永  
清將伊母子家屬移至廣西省城撥給房屋酌與  
口糧俾資養贍等於編氓亦可謂恩施無已矣 收養

給養等不齒自慚興滅付虛陳

御製詩五集卷四十四